

吳潘之烈士著

今樂府

包後學陳古病藏

吳潘烈士著潘思為止

國初時木中吳未演矣潘力田權章

自世承已筆禎每人多首互相評騭其友徐去郊或亦

明史案存多子篇刻入在詩集可補吳德之所未備

功在亦相賢第志亦不做戲錄謂赤溪吳少公在蘇州人

已子力田亦吳匠人年十五字之藉相柳為諸生因吳奇之定郡城

之非徒玄詩久已失傳是家乃存鈔本信緒有力焉

去郊詩全刻以信博雅者視覺今僅列去郊詩三篇以

吳子今樂府序

余雖不能詩然好言詩自漢魏六代被乎三唐而止

矣國朝作者亟興洗宋人之陋獨樂府規模古調

未能卓然李文正詠史之作得少陵遺意惜其體弱

不能起其文嘗與吳子言而然之余又好言史少讀

左氏司馬書即窮其堂奧若班若陳猶有良史之風

范氏蕪累已多自晉已下無譏焉而司馬通鑑總苟

袁諸氏之長難以質勝要亦編年之善也嘗與吳子

言而又然之然余固不能為史嘗作通鑑後紀起有

為噴矢焉

（西次讀不卷十三）



宋以引蒙古其入國朝則為長編類采實錄家傳
旁及輜軒勒成數百卷而吳子適過余深言編年之
體往往一人一事而跨越數世文易牴牾義難綜貫
又况律曆兵刑之事本末不備故自漢以來守太史
公家法本紀年表猶編年之綱而世家列傳其目也
予竊欲續史記述漢太初以後迄宋祥興本紀略具
而載乘繁蕪未遑卒業今以子之志蓋相與為明史
記羅天下放失舊聞取材於長編而折衷於薦紳
先生及世之能言者以成一代之書余又聞而然之

吳子善詩與史皆十倍於余而其好之篤則余不敢
多也草創且半同志者或謂余兩人固無徇名失
實之病然所褒貶多王侯將相有權力者且草莽之
臣見聞多隘子其慎諸兩人謝不敢私念是書義例
出入必欲殫之當今取信來世故不得已而托之於
詩則今樂府所為作已解題二卷余韜之而吳子成
之其詩則吳子倡之而余和之既成而讀之相樂也
已而遂相為序不敢輕乞名公長者之一言蓋非序
今樂府之難序吾兩人所托者之難也讀吳子我行

自東悲土木赭山諸章則本紀之權輿乎古濠梁舊
內曲伯溫兒國有君又年表世家之本也伏闕爭躋
獻皇作而禮樂郊祀書具矣龍惜珠作而河渠書究
矣大寧怨兩搜套前後搗巢作而邊防書飭矣梳篦
有謠而律書陳矣採珠有怨而賦役食貨諸書晰矣
欽明有獄紅鉛有獄而刑書密矣他若雷老危不如
之作也傳開國臣之初也東角門星犯座之作也傳
遜國臣之烈也和尚誤玉泉寺之作也傳靖難臣之
遇也老臣泣留提督之作也傳中世名臣之盛也悲
賈庄蕪城嘆明月洞之作也傳殉國諸臣之終也把
滑之歌楚宗之哀可以訓宗室昭德宮建昌侯可以
箴外戚而徵君歸覲儒林也望三台射東樓責宰相
也折柳枝豹房樂譏佞幸也囊土諫椒山膽重直臣
也兩歌妓三娘子刺將帥也閣中帖客夫人戒宦官
也楊漆工五人墓壯游俠也韓真女妾無夫廣列女
也大小東移噓鸞痛朋黨也齋宮惡方技也罷南交
封關白警四夷也夫吳子之志如此則其詞之工拙
音之高下且不必論而况予乎然其善惡合春

秋之旨雖余亦無弗同也者無弗同則余又何已譽
吳子假令樂府出而有識者取吾是非而非是之則
所濟乎史事者不既多哉吳子名炎字赤溟原名錫
珩字顯庚邑之莊谿人

同學弟潘樞章撰

今樂府目錄

吳江

吳炎赤溟

著

潘樞章力田

古濠梁

思濂陽王也

韓真女

美保寧韓氏也事見平蜀錄

雷老

類古木蘭事
袁東丘侯也

葛內行

頌中山王也事詳弇州中山

危不知

主世家
刺危素也

東角門

譏削諸藩之驟也

雙梅怨

思方學士也

中丞舌

悲練子寧也

牛化虎

悲卓忠貞也忠貞微時寶香

血影石

悲黃待中妻翁夫人也通濟

星犯座

傷景中丞也

我行自東

紀惠宗出亡也過衡山作

金川門卒行

美龔大章也

故葛衣

哀河西傭也

伯温兒

喜劉文成之有子也

和尚誤

譏姚少師也

大寧怨

傷棄大寧之失策也

把滑歌

紀宣宗之神武也

虎顧彪

美解學士諷諫也

折柳枝

刺紀綱也事詳錦衣志

罷南交

悲交趾之不得終隸版也

玉泉寺

紀宣宗啟行也

閣中帖

頌張太后也

伐樹枝

述土振之橫也

悲土木

紀己巳之變也

國有君

美于臨安之善謀國也

妾無夫

美章恭毅公母也母未嫁而夫死側室有子就撫之卒為

龍惜珠

臣名刺徐武功也

奪門功

紀英宗復辟也

徵君歸

刺吳康齋也事詳昭代典則

玉玲瓏

傷景皇后也

楊漆工

美楊墳也

裕陵思

頌英宗止殉也

伏闕爭

頌憲宗納諫也

新會潮

閔莊烈婦也仇殺其夫沉於江欲奪婦尸亦自沉抱夫尸出寃遂白

太監來

紀汪直亂政也

廷無人

感懷思也

昭德宮

慶孝宗篤生也

望三台

刺萬安也

老臣泣

美君臣之遇也

罪壽寧

西涯倒

梳篦謠

豹房樂

囊土諫

思悲婦

留提督

金水橋

田石平

述蜀民之苦兵也民謠云賦如梳軍如篦土兵來更如剃

紀諸義兒之寵也

美張指揮英也

傷寧度人之違婦言也

美楊文忠定變也

爭大禮也

紀田州功也

欽明獄

紀李福達之獄也

採珠怨

紀珠池之役也

帝南巡

紀世宗幸承天也

躋獻皇

紀稱宗入廟事也

孝童年十三

感崔鑑也鑑父感竭而虐其妻鑑刺殺之告於官詔特

建昌侯

鑑故 哀二張之不得死也

兩搜套

感王越嘗銑事也越成銑敗

權門犬

開疆何罪焉 嘉趙文肅之伉直也

淳安奴

美徐寄也事見續藏書

椒山膽

傷楊忠愍也

兩歌妓

詠張少華王翹兒也少華制汪直翹兒制徐海少華事見馮元成

桃案寨

譏邊將之怯也

前搗巢

美劉漢沙河戰功也

齋宮

紀世宗玄修也

射東樓

傷嚴氏父子也

縛板升

喜俺荅款塞也

啼鵲血

刺張江陵也

惠山婦

美烈婦之衛夫也夫為虎得婦奮而奪之夫遂活見王崑

後搗巢

疾邊帥胄功也

封閑白

刺石司馬誤主封貢也

高無礦

美高城令樊玉衝也

銅柱高

紀平播也

大哉言

美歐陽太守也

哥莫恐

述兩宮慈孝也

袁楚宗

紀沈郭之爭楚事也

大小東

悲黨人也語見儀菴野抄

鴉鵲閑

譏李寧遠棄地也

三娘子

美酋婦効順也

馬上檄

悲劉杜也

紅鉛獄

紀庚中之變也

移噦鸞

閔楊忠烈也

客夫人

紀乳媪亂政也

驅馬閭陽道行

悲熊經略也

寧遠提

美袁中丞也

五人墓

譏公卿之不如市人也

罷觀軍

頌毅宗初政也

東江怨

哀島帥也

悲賈莊

傷盧忠烈也詳盧公行狀

走夷陵

譏楊督師也

德政殿

美熊嘉魚也

沮南逸

疾光給諫也

紅閣詔

紀甲申之變也

劉復興

刺降臣也長安土工事

蕪城嘆

悲維揚也見義根集

赭山

傷宗社再覆也有無名子題

京口鹿

感野獸之守土也

十八翁

傷黃鎮海也有辭十八翁詩

仙霞関

蓋謂天下諸名山云

寧夏王妾歌

傷李寧夏也事見南粵新書

明月洞

美瞿留守張司馬也

南溟霧

感航島也

目次畢

評閱姓氏

東緒

青浦

林雲鳳

長州

陸坦

嘉定

邢昉

高淳

顏俊彥

桐鄉

姚宗典

長洲

李模

灌谿

黃家舒

無錫

金俊明

吳縣

吳有涯

茂申

薛棗

武進

王潢

江寧

華時亨

仲通

方以智

桐城

周燦

吳江

李實

如石

顧夢游

興治

王光承

華亭

陸世鑿

崑山

惲日初

武進

沈祖孝

烏程

余增遠

紹興

徐白

吳江

徐之瑞

杭州

錢肅潤	吳懋謙	歸莊	徐芳聲	汪泐	孫永祚	陸圻	王烈	王廷璧
無磯日	華亭	崑山	蕭山之	杭州	常熟	景和	華亭	江陰
葛雲芝	金甌	顧有孝	朱鎰	董二酉	魏耕	丁克振	朱士稚	范風仁
崑山	秀水	吳江	吳縣	吳江	慈谿	蕭山	山陰	歸安
趙瀚	朱明德	吳騏	黃宗炎	潘陸	錢重	劉灼	周茂蘭	朱鶴齡
吳江	嘉興	崑江	餘姚	鎮江	歸安	紹興	蘇州	長江

徐嵩	施誼	陳濟生	陳三島	張梯	朱用純	葉雷生	沈榮	吳繁昌
吳松江	吳縣	長洲	長洲	紹興	崑山	紹興	烏程	海鹽
姜廷梧	程棟	祁理孫	徐行	李遜之	徐晟	陳瑚	顧樵	葉繼武
紹興	山陰	山陰	歸安	江陰	長洲	太倉	吳江	歸安
李炳	呼谷	朱臨	錢纘	金廷韶	毛奇齡	林佳璣	徐增	文柟
蘇州	崑山	嘉興	歸安	紹興	蕭山	蕭山	長洲	蘇州

吳宗泌	王錫闡	周撫辰	葉世侗	祁班孫
吳西山	吳寅旭	吳其凝	吳開期	山奕喜
	吳宗潛	文果	戴鼎立	周爾興
	吳東蘇	長園公	吳耘野	吳去機
	吳宗漢	鈕明儒	方將	許維
	吳南村	吳晦復	桐城伯	長箕屋

姓氏畢

今樂府

吳江吳 炎亦漢著
同學潘樞章力田評

古濠梁

聖人出日月明仗三尺濠梁城門者不識將軍驚
 之沐之以為甥將軍擇甥得天子駕六飛龍王業
 始將軍之功比義帝義帝不祀除陽祀 聖明澤含
 萬世

數語中英雄巨眼帝
 王厚澤千載如見

韓真女

韓真女從軍七年猶處子揮手辭峨嵋轉掠昆明裏
贖身費十銀生得還桑梓爺娘已死兒歸來容顏半
非聲尚似君不見北印蕭蕭土花紫鬢邪眉耶蒙面
死前木蘭後韓氏二千年間兩男子

令我
畏讀

雷老

東丘夫婦何幾一忠臣死君妻死夫更有侍婢收遺
孤寄兒漁家身未死脫身竊兒土窟裏欲渡不渡棄

江水乘浮槎食蓮子七日夜波不起夜半聞人聲自
言雷老是引兒東向見天子天子抱兒泣且捫將
種未絕雷老恩賜衣召見不可得此老恐是東丘魂

善語鬼
神情狀

舊內曲

車南馳狐北走歸來為君壽今日大樂與天相守簫
鼓何嘈一笙竽何閤一清歌妙舞佳哉紛帝言卿
昔為我兄今為我臣我倚兄力使我新居夥何況一
我有舊舍勿灑勿埽還當歸兄日入月出客既醉中

涓扶掖來舊內御榻鼾睡醉不知須臾半醒王知之
驚起向榻百拜呼萬死天顏咫尺臣敢爾小心
喘帝所喜長安甲第崇隆起鐘山雀江水彌
帝言與元相知世世子孫長命無哀誠矣哉

千古盛事

危不如

東閣門開帝在御履聲索簾前度詔問為誰歎自
言老臣是危素天子忽念文韋祥七十老翁心膽
破報恩并和州祠死不早何懼為獨不見燕都馴象

猶戀胡不飲不食雙淚俱危不如素不如可憐一獸
猶區區

愧殺千萬危素

東角門

東角門逢皇孫金川門天子奔北為王南為虜出
郊壇自愁苦白面書生空詡五十萬師輕一羽莫
逐燕高飛高飛入帝畿吁嗟子澄胡不知

可憐可恨却不如子澄出脫

雙梅怨

諸蕃平天下寧，不寧殺子澄禮樂作天下樂，不
樂殺正學。帝言朕家事先生勿勞苦，臣言死即死
草詔義不可先生魂從。惠皇先生骨留，帝御雙
梅樹種道旁青，者非垂楊嗟女種生教坊日夕望
涕數行十族為之夷，遺骨翻得藏孫枝尚一葉。聖
恩難可量嗚呼，聖恩難可量。

忠厚

中丞舌

成王走周公，帝二三孤臣，死不避，願為良臣，良臣安

可為願為忠臣，身亡族赤，寧足悲。臣舌尚在天，能啞
臣舌雖割，心難移。官中屍不可別，地上書不可滅。金
川玉屑留人間，何繇獨割中丞舌。

中丞不
死矣

牛化虎

寶香山中夜風雨，騎牛歸來忽化虎。忠臣靈爽天所
憑，魍魎當之不敢取。北平地勢天下無，內遷自可銷
兵戈。時來不得顧，骨肉徙薪曲突原良圖。臣言不用
燕果入臣死，猶慚有餘責。廣孝欲殺成皇，憐三十

年間養士力

卓忠貞決無活理但
成祖憐才意自不可沒

血影石

夫或羅刹磯婦或通濟門婦先夫或夫不負江上小
塚埋貞魂夫血碧婦血赤李陽河水鳴激東流直
遠都門石夫人血影千年識

此亦千秋筆也

星犯座

客星夜犯紫薇急孤臣朝披緋衣入帝心忽動重

索之腰間利刃如霜色君亡身殉未足奇大功不就
天所為帝能剖我腹磨我肉剝我皮不能使我不
為厲群神百鬼皆披靡君不見趙襄仁豫讓或新君
憐忠臣故君知國士臣自報智襄子

到此覺衰錢威
靈都無用處

伯温兒

伯温知興兒知廢高卧不作飛龍御國事反覆臣可
誅檻車更入長安去臨行別姻戚曉何多辭天
王自神武魏徵義不為今日或生分已決不記北平

宮中對奕時嗚呼此真伯溫兒

燁：有生氣

金川門卒行

金川門開一卒哭入門出門義不復拋我舊時戈披
我堂上書：中無他言但道忠孝當何如勞：勸駕
何其愚君不見燕山卒調衛不肯行清遠卒上書請
息兵一卒死路旁一卒生為卿不如金川門卒白首
猶橫經卒乎卒乎安可輕

龔大章真見我輩人

故葛衣

君衣緇臣衣葛君臣相看淚流血緇衣新葛衣故師
弟相從歲空暮河西老傭依莊浪夏布冬裘葛居上
補錫塞馬又何人天漢龍飛夢猶壯金城寒葛衣單
餘錢買酒寧共乞兒飲不能醒齧出見留都官傭且
或囑主人幸無埋我西北風來請從火可憐容骨非
吾土

我行自東

赤溟謂予云作程史列傳當做伯夷傳體若有若無讀此詩却不能道無矣

衡山路誰家土有龍蛇，失其所羣蛇從之亦無處。
故東非我東西非我西南非我南北非我北西洋一
使為我出箕豆相煎何太急哀，獨向衡山泣。

斯時齊
黃安在

和尚誤

姚和尚誰教汝殺人汝所殺人多忠臣誰喚汝歸來
歸來誰肯與汝親汝車汝馬汝公汝侯不識汝面但
憶汝頭養子不作和尚驕和尚不了為汝羞

老虎直
得一罵

大寧怨

遷我大寧司設爾朵顏衛羣胡歡喜頭搶地漢天子
我主人世，服事不敢作他計三百餘里食土之珉
為胡作奴還為胡耕胡兒好殺難與同處我獨何辜
使我為虜我既為虜當與漢仇張弓挾馬使汝漢兒
不得休吁嗟肉食無良謀

悽惻不
忍竟讀

把滑歌

前人失脚後人把滑還有後人汝謀莫發樂安城中

空無人狗亦不敢吠雞亦不敢鳴但坐天子來親
征嘗時使人至京師索衣與馬我兄我姪乃肯相假
今日滑不得把翻令兒曹笑欲啞庶人有力能拔山
何繇骨化銅缸下

當與燕王旦夫婦歌並傳但彼是自述故多
悲涼此是代述故多悔恨結語更使作賊者
冷心

虎顧彪

成皇百戰有天下太子能仁漢王武帝言漢王
真類我欲易儲何不可讒夫在側言翻父子深

思幾不全四澣謳吟向盛國可憐髮白難重玄神龍
威擾可狎明主私義可奪虎彪題詩天意合留都
一使為卿發數字能收社稷功何繇不遣書生生活

解大紳原是鹵莽人
此詩却自關係不小

折柳枝

折柳枝鼓復譁天子不及臣爪牙大同馬暢復息

天子不及臣羽翼服王服冠王冠觴萬壽心所歡

鞭通侯擇女子亡誰何心獨喜臨邑書生矯鬢翻

手生人覆手或鮮衣怒馬長安市柱後惠文安足比

綏帥氣
蛟乃爾
罷南交

漢廷士多侏儒罷交趾意則那征之不足棄有餘坐
舍千里非皇輿開平失北衛踈安南叛南藩孤稱仁
說義何有無何不為 天子掃穹廬四夷之守當何
如

賈捐之輩
不得開口

五泉寺

天下平可微行 聖天子何自輕蹇尚書嘗勸我揚

學士胡不可明月下 天顏開思卿言朕故來老臣
揣寸心徘徊伏莽竊發誠可危玉泉寺聚不逞社稷
靈吏所詞寄言謝相君始知卿愛朕

西揚有
光矣

閣中帖

有明及六葉 天子方九齡亦頗昵小豎何以致太
平皆言有 聖母垂拱當宮庭盛德幸自謙委心任
公卿十日索閣帖還以驗所行是時三相公伴食徒
營不能弭禍機璫勢遂得成一朝失 聖母社稷

歌欲傾始知 聖母力乃與太似并

聖母固聖矣
三相君何在

伐樹枝

司禮先生共天下

王時振為先生稱

國子先生不相借明

倫堂前樹陰：一枝可伐禍可嫁錦衣使何轟：受

縲絏猶從容昔年斷骨幸自接何妨荷較成均中諸

生號泣奔且仆宮中獨憐會昌奏少年 天子知不

知且放先生賀孫舅

微而顯曲而中
得春秋之旨

悲土木

夜出北郭門朝度居庸關：前風雨不可度驅亦將

相行蹒跚朝發懷來城暮宿土木營：中金鼓慘不

起黑雲四匝鷓鴣鳴一龍墮羣狐驚雲端暫下猶神

靈交龍隱火有天意那顏自博千秋名 乘輿再入

萬方喜一日欣逢兩 天子可憐肉食隨小璫宛轉

胡兒馬前死

字字
斟酌

國有君

國有君虜不聞虜既聞還爾君舊君來新君喜東安
門兄讓弟盛德直與唐虞似誰其誤者更 太子滿
廷御賜音不言何繇獨令子謙死

忠肅當此
亦難為辭

妾無夫

烏啞啼樹枝空房婦嘗若悲婦見夫方殂時婦執
喪妾生兒初生妾乳之兒能言婦教之兒讀書婦
當機月方落雞初啼黃泉下當知之兒為郎婦入京
君過不諫兒能死兒能死諫大義明大風雷雨雷殛

黃沙塞晝晦冥謂兒死而更生兩年獄千秋名無夫
吟不忍聽座中何人能不淚零何當巾幗中乃有生
程嬰

盤中詩言至情此詩言
大義自覺後來居上

龍惜珠

塞張秋當奈何木石百萬殫為河至人無欲龍有珠
沸鐵下灌龍其通決口可塞功最多龍有欲人可制
人有欲或不避神功續禹徒區區千載嘉名竟誰是

嘗以吟語銷奸雄威
跋具見救世熱腸

奪門功

奉天門夜半開鳴鐘鼓千官來新君西宮去舊君南
城回諸臣愛富貴兄弟無嫌猜奪門功封拜速中興
功意有獄都人閣淚不敢哭何事官高心未足金齒
他年同反覆

徐武功
心灰未

徵君歸

山中客來帝廷誰薦者石武清天子虛左羣臣驚
皇天語何丁寧躡蹻便可登公卿早知宮僚臣

不行李相公心不喜放徵君但給米山中歸來鶴應
耻曾作武清門下士

赤漢作史於本朝理學諸公極力推
許獨不滿吳徵君陳白沙自是公論

玉玲瓏

景皇讓天下后亦還故宮猶子念舊恩宮物使得
從玲瓏玉繫腰葳蕤色不同服繫既有年并出深宮
中睚眦小人態借此求先容奉詔重詰問但坐玉玲
瓏后聞使來淚下翩翩傳呼使者語汝一言欲言
哽咽未及得言探懷中玉投地下淚不可止為我擊

碎持送井底念我未亡人行復爾耳

小人壞大體法：如
此足使壯士立髮

楊漆工

誰從 皇帝歸 帝曰袁錦衣誰張 皇帝咸 帝

曰門指揮門指揮何轟：先殺錦衣後殺相公千官

袖手盲且聾朝廷若無楊漆工何人敢訟袁彬功

千官
羞死

裕陵思

皇：裕陵為國親征一年遜沙漠六年錮南城 聖

躬試百難天下方太平遺詔止殉葬盛德通幽明持

此付東閣：臣皆失聲思我 裕陵誠裕陵誠可思從

今不用朝天妃

聖德真
可思

伏闕爭

於穆 憲皇事親有虔以道勝私人無間言昊天不

弔喪我嫡母山陵之議不可以口解一廷臣據禮以補

哀職 天子柔嘉假汝顏色殿外誼：繼之以泣帝

命勿遽惟予尚有母恐不可得解二臣曰禮有關不敢

逃責維 帝孝不匱則 母后之格 母后聖善俞
命以出百僚歡躍願 皇太后 陛下增壽千億解三
大義既明大禮既成惟 天子不矜惟諸臣是爭度
越往者民莫能名傳之後世以為光榮解四 孝皇所
歎乃及大臣體國不怠以成我 先君子當與官師
共襄厥美迪詔我後人解五乃奠仁壽更卜之吉更作
之域惟在天之靈毋敢干嫡兩朝之議丕顯丕承古
莫與京是以其德傳稱解六

君聖臣直漢唐
以來有此否

新會潮

新會潮子復午貞婦屍上復下繞仇門聲轉怒仇已
誅碑更立貞魂猶逐潮頭泣

寫生手正
不在多

太監來

皇帝來醜不止太監來矍然起問爾何為然但知汪
太監不知有 天子南征北伐仗此兩鉞問鉞何名
陳鉞王越小璫微言大璫罰 天子神明寵潛奪淳
子優孟何多言尚不及阿丑滑

直叙
自老

廷無人

廷無人小豎耻竇易官詔可止外廷何不言護：復
爾：廷無人可奈何累：若：何其多天下只有王
尚書

簡而
盡

昭德宮

紀妃娠兒萬妃怒兒當為龍娠不墮西宮六年神所
護悼恭殺後聞貴妃：言何不令我知當令紀氏還

我兒：還昭德母可移一十八年太平主至今國史
生光輝吁嗟貴妃何怒為

冷
甚

望三台

三台歿相君入三台明相君行貴妃為之妹中涓為
之兄宮中秘藥梓鐫者臣安名太監摘牌公可行以
死報國：欲頌胡為手徘徊道上猶望三台星嗚呼
三台爛：兮 天王聖明

萬文康枉
做小人矣

老臣泣

漢室九葉宜昌 聖主秉德當陽爛若朝日齊光元
老賡歌明良魑魅宛轉遁藏一宣夏官尚書再宣御
史大夫使殿久坐人扶平臺下階日晡天顏咫尺敷
愉兩賢秘計同紓君臣道合無私將順不廢箴規大
夫有疾思歸 天子嘆息獨悲家人父子等情何如
主人留宿禮意悃欵可停老臣涕淚盈 此身莫問
或生天道謙尊愈光思深澤厚難量邂逅際會虞唐
骸骨俾也可忘一客騎箕先行主人鼎湖遠仙留者

急去猶嫌老臣惆悵自憐 天子胡不萬年

君臣之義盛衰之感使我留連不置

罪壽寧

李主事無忌諱獨不畏 皇后嗔乃敢言二張罪宮
中請殺應詔人 天子能伸直臣氣下獄不受刑復
官須叟事南宮夜遊召二張大張獨對心傍徨免冠
觸地不可止左右遙知為夢陽

真善敘事

西涯倒

東登東山以望西涯西涯傾側使我嘆嗟維彼二相
不撓于邪莫裨袞闕拂衣還家亭：疎峙其名紛葩
何為委蛇志願獨乖樂哉殊復樂志願獨乖解一謂爾
如山其石巖：謂爾如斗下民斫贖類形匿光東西
蜿蜒浮雲翳日黃霧蔽天政出小豎官以賄遷爾乃
獨留伴食其間樂哉殊復樂伴食其間解二中書赫施
晨入暮歸回首相江荒草離：鷓鴣啼罷更聞子規
日月炤耀狐兔驚摧子失其黨顏面何施悔不早去
使自單疲解三蕭：白楊幽：重泉行當適此撫躬自

憐易名之典泣荷諸賢祖道都門何不一言解四

赤溟作傳欲以李文正配胡文穆因予言更
之謂余曰文正泉下荷君矣余曰尚有西涯
倒一章
奈何

梳篦謠

武皇御天極小豎亂其綱潢池起如蝟借號於蜀方
官兵不可恃隱忍用土兵千里無狗吠百里無雞鳴
兵賊互勝負一縱復一橫南行到滇西到秦北到楚
不見官軍殺真賊但見悲風苦雨屍骸相支柱賊梳
我軍篦我土兵來更難我：不為賊苦復苦我欲為

賊義不可親戚已盡一身難獨完不如早向黃泉下

悲涼中不
乏志義

豹房樂

大內樂不如豹房樂豹房左右皆我兒番僧樂工恣
諧謔長安城頭日已晡百官候朝前且却天子尚
枕錢寧眠爾曹禍福寧所作豹房樂不如宣府樂豹
房都城中心尚聞諫官言聒宣府兵精糧食足天下稀
臣能發兵十萬為君坑那顏定沙漠山川麗畸萬物
豐普婦女綽約勸君盤桓殊不惡江彬已進寧可殺

諸兒復道江南樂木蘭可為船青絲可為竿蛟龍勢
盤擊黃金自相錯江流曉漁酒夜酌紗舞清歌動心

魄江南樂何如豹房樂

南村以此詩太近譏訕不得詩人忠厚之旨
余謂諸義兒幾壞天下直敘正爾快人然南
村志厚赤溟激烈
兩人心事可見

囊土諫

蹶_踏踏_{囊土}當蹕_何為願車駕勿出當蹕_豫豫章
逆圖傳者急陛下南行當遇賊臣欲不言安可得
臣非不知死者言生者嘿誠不忍見廟廷生荆棘臣

今刺亦來赴闕自有土囊盛血弗汚 天子蹕法司
阿義兒小臣愛 聖德鐵柱折御溝溢凝雲陰
日黑天地塞南行之議乃可息用臣言碎臣骨九京
深 含笑入土囊留血當化碧

前人無為張指揮
作傳此詩可補之

思悲婦

思悲婦 誠可悲思我佐命臣一何纍 婦當為后
婦獨悲 婦也我思逐鹿 不可得南昌城中宮為
草廟為棘不用婦言亡我國

銑鼓
遺音

留提督

江提督勿鹿 有詔留請就縛問閔者安所得詔答
言上奉 皇太后下奉相公教汝是閔外健兒相公
縛汝 不知汝能搏虎不畏汝一力士力大如許京
師嘆 夜桐語今日百萬爭起舞縛江彬天乃雨

楊文忠計擒江彬不動聲色作史者概欲
林殺張桂之罪也得此詩一洗發甚快

金水橋

金水橋號多士左順門呼 二帝九閔我 閔闔閉

小臣無力回天意，白日忽雷震霆威。百八十人血殷地，十九人死餘者生。夜郎交趾無歸計，大禮議徒紛紜。繼統訓胡不聞，天子不忍忘死父。臣豈敢欺生君。

令我呼奈何

田石平

田石平安南何不平安，南險且遠徒殺中國兵。相君勤遠略，幕府先內寧。功高目生謗，浮言豈足憑。縛宸濠封賞薄，輯諸蠻議嗒。田州絃歌胡不樂，盧蘇王

受皆容作臣，能使南人不復反。不能逢璉與萼

璉萼固可畏，然田州事陽明處置亦草。

欽明獄

李福達作賊，兩見脫外。臣欲殺內臣活郭公，私書馬公發貴人黨賊。不按諫官誼，皆可殺。帝言汝曹自可殺，張寅何為及我。議禮臣議禮，臣在帝側為。帝清問無失，入此曹有口善羅織，用我四人情可得不然。獻皇難廟食，張乎李非乎。是言張者生，李者死，不死猶應配千里。法官纍，空曹行欽明大

獄頌新梓汝曹有耳聞不聞何為敢觸新貴人貴人能撻天子嗔貴人言是張寅

結語
毒甚
採珠怨

使珠為粟不足以飽腹使珠為金不足以齊貧水何生珠使我勞苦生珠尚可採珠殺我池水百尺珠不可得珠生無時我飢更急飢亦不悲溺亦不怨誰使珠還使我離患

樂府聲調人知壞于齊梁不知秦長吉輩鬼怪語一出沉深雄渾之氣銷蝕殆盡何意得

此等古調
於靡中

帝南巡

帝南巡歸舊藩匪敢遊相寢園 帝之發車偈望
南雲中心怛 帝之止般美 旌合駘馬騰被 帝
之行百靈俱恐勞民疾馳驅 帝之至萬國會雲困
困星晰 上顛陵謁玄宮氣佳哉鬱以蔥享上帝配

皇考歌嘉樂錫難老望山川徧羣神福滂洋瑞應
臻嘉禮成駕將北及父老賜酒食發承天德音降神
既安勿遷奠渡榮澤軫 皇心嗟流離發帑金還京

師期不遠日七十往復反維純德氣完固奉慈宮以
南祔梓宮南江漢沮荷天庥先以雨漢効靈波不興
兩寢合 皇心寧四澗澤 帝所膏舉大事民忘勞
粵 聖孝格於天騰歡歌頌萬年

得頌體房中
歌不得為美

躋獻皇

天子崇本生追王心未已奉之太廟位可躋不論君
臣論父子先稱皇後稱宗誰贊者郭翊公奉養章聖
日益崇昭聖寂寞難與同百官稽首受成事無人敢

言調兩宮昔年伏哭亦草：不見殿前腥血猶殷紅

一出入
字挾風霜

孝童年十三

孝童父都門高胡為不行賈北到遼南到荆與揚但
坐買得邯鄲倡邯鄲倡難與處父愛新人母遭箠楚
兒行自學舍歸見母涕泣哽咽不得語兒潛行挾利
刃至娼所娼方低頭灑掃口何喋：從傍刺之洞左
脇娼宛轉兒傍徨殺人者死兒可當兒行入公堂府
尹南向坐兒北向前置詞為母殺人或不悲府尹言

汝年十三為母殺人誰教汝為呼吏前勿苦此兒此
兒純孝當令天子知既或死行且編成閩外兒可
去兒未去街鼓擊已赦書至

逼真漢作不獨
以比擬為工

建昌侯

仁壽宮母天下建昌侯威可炙一朝失勢同孤雛今
日殺人罪不赦罪不赦當奈何助我者少議我者多
兄死囹圄中弟死長安市聖母空傍徨不能庇兩
弟黃金侯作門白玉侯作堂依倚中宮勢出入生輝

光生前不謹死不葬富貴何如灶下養

富貴
適

兩搜套

前搜套王威寧後搜套曾中丞威寧倚中宮小試功
已成中丞倚少師少師新見輕套可搜出師自有名
套不可搜師未出安用先殺夏與曾兩君功名士意
氣還自顧上有滄浪天下畏黃口兒丈夫生死不可
知無罪駢頸西市下猶勝牀頭宛轉時嗟少師悔何
為

桂州因石塘或極為有
題目此介溪後來何如

權門犬

天子門虎所伺相公門犬所吠
犬吠喧虎為怒何事小臣言退虜
汝能退虜汝可行加汝官界汝全出
門但見仇將軍仇將軍犬之黨思奉
相公歡不受天子賞虜向玉關去使
望都門歸車中銀故在關外事已非
天顏咫尺臣顏覷幸逢明聖或可免
荔波萬里行蹇從今勿觸權門犬

大州終為嚴氏籠
終想亦悔此舉耶

淳安奴

行至淳安門感彼徐氏奴徐氏兄弟別產居伯得一
馬仲得一牛其季寡婦無所得但得踉蹌老蒼頭寡
婦涕泣奴言勿憂奴年雖老猶能為主作馬與牛婦
入房索簪珥賣得銀兩環使奴行贖販漆入山其利
數倍往復還歷二十載徐氏良田美宅參淳差安間
為主教兒為兒娶婦老奴可死義不負奴且死出兩
楮上何所書為兩郎析家計無他語黃泉下報主
人寸絲粒粟奴不取獨不見伯耶仲耶馬牛力盡還

遭烹兩即肥牛快馬馭：官街行

此奴不
朽矣

椒山膽

馬市開誰當言大臣不言小臣言迢迢
扶道豺虎邊
萬里幸不灰中歲忽四遷
皇恩何以報願擊城社
奸諫書夕入朝受杖血光模糊神獨王
椒山有膽豈
怖死丈夫不倚蚺蛇壯長安西市天荒
奸臣食肉
忠臣歿觀者太息涕數行
椒山之膽方開張仰天大
笑日無光向闕再拜願
陛下壽千霜生時無益聖

明臣死不敢忘

忠臣之氣
忠臣之言

兩歌妓

袒而呼寇入吳飄以忽寇入越官軍張弧走不發坐
見千里壘枯骨倭耶賊棄耶直巨艦為城島為國蔣
生一行情始得謂棄勿陸梁不聞直已降謂直勿偃
蹇不聞棄已款直未來棄先至不用官軍歌用妓五
年劇賊妓可制幕府論功誰者是女戎獨勝古所云
不見當年沼吳計

人但知徐彘有王翹兒不知汪直亦有張少
華聚天下兵力不能滅賊大功乃出自兩妓
胡宗憲輩

妻不桃窠寨

閨門開胡婦入致之闕下肯可得效歸不歸胡騎索

送叛兒問台詰弭邊患問味發叛兒亦不來邊患亦

不弭入闕出闕胡婦死火冠帶劍空費長安未區區

胡婦安足倚

寫出潦倒行
事且憤且笑

前搗巢

漢兒莫悲胡莫舞雲中新將智且武欲我殺胡勇可

賈胡南窺漢北往輕師夜夾沙河仗胡兒歸來獨惆

悵喜峰亦休作巢漢家今有霍嫖姚豐州城休作張

漢家今有李飛將

說得
動人

齋宮

真人在御德被入挺天下已治憂無遐年解出入天

門犀真相存窮覽有無以寔道根解軒轅九皇竝駕

翱翔下視濁世細于糝糠解要言不煩至道可為上

天篤祐誕昇朕師四貽我火藥來自帝庭其光輝

服者先升五解冠盜屏息年穀屢豐朕師告我惟修玄

功六潤茲羣工佐朕以勤爰護齋宮爰撰青文七朕

有好爵載酬爾勞蓬萊方壺及爾偕遊八解朕在高穹

寢食帝所比及千年我願見汝九解

讀此覺遊仙詩如嚼蠟矣

射高射東樓

射高山尖弱山崢嶸射東樓

覆草米小兒名字依稀是高皇靈爽來告臣况有

華亭相君指嗟高山之高何逶迤不記鈴山堂上岑

寂時今日富貴忘此為眼昏神悸不能識聖意諸

同閑白但遣東樓知樓雖高基已朽水昨山不能久

一矢集其巔衆矢注其後天子尚念修玄功御史

自索遁逃藪東樓頌高山崩黃泉下頌我婦言在

耳當年何不聽言人往往相殺希旨但

此老賊適當人意耳

縛板升

秋風獵下改邊沙腹裏千里無人家夕烽爛爛照雙

關荷戈百萬無休歇為漢患者中行說教胡墜田積
粟收矧士與漢共謀漢可敵要當塞鴈門扼居庸躡
上谷據雲中契丹拓跋先後雄漢兒匍匐頓首稱乃
公板升赫奕且莫喜小酋歎關大酋耻良將伐謀不
在戰能制胡兒妻與子前得汝妾今得汝兒汝欲得
兒問汝妻言漢還我兒我當世稱臣互市不敢
復為非鼓咽送兒去醇酒肥羊兒大鋪錦衣繡鞞
先滿路羣胡夾轂喜復妬從前背漢真大誤那吉生
縛板升貢議成西塞寧

啼鵲血

鋪揚中有微
詞讀者當知

張江陵何汲馬璫猶在可再入父死何繇歸不得
李文達誠可師羅倫小子無所知爾曹妄用殺我為
寧國生自罹酷萬言空托中丞續相公不聞身死獄
毛山人勿饒舌宮袍錯訝啼鵲血相公不知身幸脫
帝留相公相公何不歸帝厭相公相公欲歸不得
得歸骨肉未寒事已非一朝失策千秋譏不然社稷

功國史猶光輝

赤漠真愛
江陵者

惠山婦

管有劉平妻力能殺虎夫不活今有惠山婦生夫還
向虎口奪夫死虎亦死夫生虎亦生猛獸避健婦此
物豈有靈王山人能紀婦事不紀名聞者足使千秋
驚君如夫臣如婦夫不可負君可負何人奪君出虎
口更着衣冠拜虎後此曹安知惠山婦

余家向藏趙孟頫畫劉平妻殺虎救夫圖生
氣凜然赤漠有題作極悲壯與此作俱有閱
後

後搗巢

出自燕都門遙望遼土劇哉邊野民寄身于豺虎
朝隆漢營鼓夕爛胡庭火百萬健兒爭避虜使
我邊氓獨愁苦春風起邊芳草方萌胡兒未至我欲歸
耕欲耕未及得耕夜半何人來襲我營驅我弱兒老
婦踏前頭行安知襲我是漢兵未接數騎傳呼
漢兒怯將軍獨歸兵不歸盡作板城下血何事將
軍翻奏提腦毛大曾入犯級纍猶可算問汝何從
得級陣亡官軍頭作賊不殺牂羊殺殺羆可憐繡衣

空灑泣獨不聞漢丞相事姑息

讀到此處便覺無可挽回

封關白

萊陽烽火何連々倭奴十萬乘朝鮮朝鮮委命請下
吏援師合當工退避喪師辱將軍諱封貢使司馬計
貢亦不肯來倭亦不肯去朝鮮君臣涕如雨使受誅
倭始歸捷書還向京師飛不聞將軍得倭級但見平
壤城外枯骨高如丘叶堂漢司馬空受倭唾奴

閱史至封倭一事便知早有今日

商無礦

他縣無官商城有不作中官門下走他縣有礦商城
無中官雖怒如我何鳴者駟列者仗中官在堂肩輿
上觀者如牆色沮喪縣官有手不污錢縣官有膝如
鐵堅捫蘿攀葛礦何處一縣赤子今安眠中官抑何
怒縣官自有疏縣官不懼中官懼中官獄々縣官折
其角

樊孝介大有氣色

銅柱高

銅柱一何哉，令汝蠻矢不敢發，馬不敢過，明有中丞漢伏波，不見兩銅柱，十載相嗟哉。

神似武溪行

大哉言

誰言採金可富國，中使斷，虎傅翼一使方歸，一使出南到滇南北，遼北赤子嗷，惜不得，帝御隆宗門夜騰停稅勅，天語親傳曉復索，小璫櫻必義，不同伴食中書繳，還急大哉王言天下聞，引領無絲沾，聖德吾不知，歐陽太守作何狀，嘗州之稅獨停三十

日

是時天下只一歐陽太守耶

哥莫怨

燕何美，莫來咏皇子，燕何翻，莫來咏皇孫，燕無力使梟入我室，我室不毀，梟可執，但當殺梟勿傷我，燕，巢深宮，帝所眷，都門書誰使，云狂男子語不倫，令我父子涕下一何靈，帝言汝是我兒，我自憐兒，勿悲，况有臣能護之，羽翼已就，難可摧，燕相耶，梟耶，雖有狡計安所施。

兩宮仁孝
正自爾

哀楚宗

孰言楚王真主者沈四明孰言楚王假主者郭江夏
莫問楚王真與假但較兩人官高下言真是言假非
郭公掛冠去宛轉黃河涓若無皇太子骸骨那得
歸戕中丞罪當誅亂天潢復何如不見憲宗時漢
陰收養子伏法何曾傷國體今日安知楚王是可憐
楚宗啣恨死

較官高下一
語冷甚毒甚

大小東

戴大東朝署空偈小東講席空佳名自標嘗得貴人
罵獨令四衆寒士夾轂來趨風清流禍炎精缺元祐
碑汴都血大東小東莫饒舌南陵北陵草空活黨人
之罪難可脫

鐵筆
可畏

鴉鷲閑

鴉鷲閑前千里地朝廷那知閫外棄驅得居民六萬
人此外流離不堪計將軍歸來仍叙功通侯實戶還

加封李家父子敗公事虛名百載何隆：諫官暗史
官聾若無劉生諫稿留河東後世誰知割地功

可以
史矣

三娘子

北方開良馬入誰其為者關氏力關氏力制單于塞
外無烽火塞內聞笙竽長城交馬如通衢如通衢安
可恃顧見貢使心中悸心中悸自反覆且看將軍穿

蹋鞠

長慮却顧當時應自有人
相公司馬中不可得耳

馬上檄

劉將軍杜將軍闔外矯：稱虎臣數竒不得開國邑
可憐頻首從他人馬檄來何急四道兵倉皇出經上
略虛將朝議塞何繇將軍兩深入兩將死兩將生死
者未知白骨處生者坐得全師名寄語從軍者香火
難為情

真可
灑泣

紅鉛獄

猗 聖皇御天下鼓腫臃朝降赦中官撤商稅罷二

百萬餉，邊下深宮閱薄牘。中夜貂璫場息無假借，
何繇一月間忽聞鼎湖駕。紅鉛是何藥，相公言不知。
不知猶自可賞醫，欲何為汝官。誰家官汝食，誰家食
為朱氏耶。為鄭氏耶。汝欲逃誅安可得，汝曹莫殺孫
宗伯。千秋自有董狐筆，思我聖皇空灑泣。

專責賞醫應
使當局頷首

移噉鸞

乾清宮居選侍慈慶宮，太子避選侍不可居。太
子不可避移宮，何功亦何罪。天子仁孝天下知，賈

生曉，楊生去猶言安宗社。不如安選侍，當時相公
何賸，一應恨。恭皇不作帝。

何功何罪一
語使堪斷案

客夫人

車如水，馬如龍，不趨天朝趨魏公。綬若，邱壘，

邱壘

不候天顏候客奶，國母千秋何寂寞。客奶兩旬
行宴樂，宮中久識客奶尊。忍使龍祥中夜落，自言魏
公是我夫。崔生是我兒，魏公為帝我為后。公或不嫁
兒，可為何物。老妖媪幾令宗社危，盈殿陸閭曾無

鬚與眉

難道俱是寺人

驅馬閭陽道行

驅馬欲何之南奔閭陽道遼左方未平將軍歸何早
我欲藉西夷西夷不可知我欲藉援師援師來無期
昨聞遼東戰流離不可見身還士卒死相逢畏君面
勸君勿浪戰今日果何如兵敗氣不復涕泣亦已愚
生民百遺一但可護入關可憐兩大帥不戰而自還
一帥倚中人一帥無所恃朝廷殺黨人一帥死西市

芝岡可含
笑入地矣

寧遠捷

邊火明邊笳驚秋高馬肥冒頓入眼中已無寧遠城
寧遠城堅不可下書生意氣還憑陵撫循將與卒勞
苦如弟兄男兒七尺寧作格鬪死何當隱忍寫帳偷
餘生兩晝夜攻不已雲梯折衝車起一砲發震十里
名王血肉化泥滓北人為號南人喜昇屍歸去中有
數錦衣何況十萬鐵頭子捷書入奏功當封不封袁
公封魏公袁公汗馬何足數自有魏公畫策深宮中

魏家諸兒言不敢負阿翁

太鋪
張后

五人墓

尚公坐羣兒趨清流士當受誅周吏部灑別淚尚公
聞檻車逮吏部行吳氏驚毛開府噤無聲較尉言尚
公語嗟鼠輩勿嘯聚謂汝詔出天子彼逆豎那敢
爾五人呼萬人起較尉血滴泥裏此五人良非愚慷
慨死真丈夫虎丘南甍以馳巍然者尚公祠未成
永山傾山南土俄已平廢墓下新碑樹巍然者五人

墓

可使狐鼠銷
魂壯夫生色

罷觀軍

齊用寺人多魚漏帥唐設觀軍九帥以危後王不戒
國史唾惟我 聖明能已之念邊方撤協防衣浣濯
停織作貂璫昔何幾々今何諾々畏我 聖明勿作
惡有君如此忍負之臣若負君罪當治臣兮臣兮其
如台

壞天下尚有人在

莫為罵無鬚兒

東江怨

袁中丞受指錢相君不能復遼陽先殺毛將軍可憐
毛將軍外無虵蝎援內無葭葦親崎嶇策島間微功
還殉身男兒思報國豈得無中人中丞出奇計烏帥
同孤豚中丞死相君竄毛將軍復誰怨

留毛未必成事
殺毛反覆勝耶

悲賈莊

賈莊下骨為野不知誰殺盧司馬盧司馬賊所憚家
可破命可拚帳下健兒盡星散司馬一身猶轉戰身

死還令羣賊驚箭鏃刀痕見生面是時人言兩丈夫
北者何人南者盧但知盧公死不負天子莫問他
人生與死何況盧公有賢弟前悲賈莊後涓渚九原
攜手笑相視兄弟千秋炳青史操命謹何如報國語

不問他人
正爾省事

走夷陵

駕出神都門推轂送元輔天子親賦詩寵榮邁前
古百官望塵趨都民相顧語憫彼潢池黎貽憂我
慈父旌旗摩蒼天金鼓震黃土羽林數十萬戢身就

行伍誅賞將天威顧指役官府信臣及宿將不敢自
言若南征何過：過：至三楚幕府坐尊大小魏轉
跋扈躑躅一載餘骸骨暴為芥去難而就易殺賊不
如撫自撤白虎險遂失全蜀戶大帥檄東行為計亦
已左當關無一夫出蜀復入楚賊繇襄陽來我向夷
陵去我水賊從陸我舟賊用馬叶歧路兩相避畏賊
甚于虎賊去猶可言賊來不知處徒擁百萬兵不敢
相撐拒楚歌起四面官軍自怨怒本是無賴兇星散
歸賊部空城難獨居幕府淚如雨戰以那可得當時

誤謂：仰天自引決一死謝明主掩面向黃泉負
此都門祖

當年形勢
瞭若指掌

德政殿

有人從南方來狼如狼貪如羊量珠用斗白滿筐黃
金不脛走入堂佳官勒高價不者與危疆大冠帶長
劍見賊行走藏薊閔秦閔誰者當安知烽火連帝
鄉臣欲言之賊在旁臣欲不言國將亡臣竟言之竄
避方朝政慎勿舉閉戶飽用脯遭逢聖明亦何補

獨不見兩南人壞天下叶

悲風苦雨中即魚
山對此亦難共讀

沮南遷

鍾山氣何佳我美人子當南來欲來復未來使我心
徘徊三九之際當季世賊在帝旁撓大計汝曹果是
于臨安見賊何為頭搶地美人何不南、人謳以吟
美人不來勞我心美人猶在北、人行作賊美人不
來安終極

已矣勿
復道

紅閣詔

蒼天已死朱天當升三九末世犬不吠雞不鳴瞎兒
騎馬翔神京問汝公、方飲酒不可逢問汝伯、方
高臥不肯出帝傍徨上空堂驅龍子殺鳳凰帝
寂寞入紅閣旁無人淚雙落龍嚙指、滴血滴血襟
上書上云赦百姓下云臣可誅試問攀髯者二十尚
不足十五頗有餘玄都扈從何太孤其餘肉食皆當
誅但向瞎兒馬前叩頭索、乞賤軀瞎兒行上殿衆
賊皆下趨盈、自云嫵冉、自云姝瞎兒大笑言生

小作賊不識皇帝貴但願飽得汝曹金與珠須臾琅
璫聲反縛歸囹圄一日索一萬十日十餘萬汝渴飲
汝溺汝饑啖汝蛆汝曹莫嫌穢汝家帝何如帝
不負我汝負我、當代帝加汝誅公耶伯耶死路
衢妻為賊作婢兒為賊作奴嗚呼嗚呼念我苟活不
得識聖主汝曹宜爾安足吁

到此悲憤哭罵都無用處想
作者亦無可奈何聊復爾

劉復興

長安土工劉復興直踏賊坐百盞傾酒酣大罵快人

情為言先皇真聖明汝曹蠅蚋猶營、拔刀擊案
四坐驚賊子局縮何屏營低頭掩耳不敢聽乞汝佩
刀當引決莫令異日膏斧鉞此曹拜跪泣嗚咽自是
做軀貪苟活安足污壯士手中鐵

酷肖此曹
自供語

蕪城嘆

清淮流蕪城下顧見穹廬張四野誰言法公真死者
反乎覆城當復我欲買刀趨賣犢

漢以下不
能辨此詩

赭山

滇南大馬橫行鄴下淮南小狐來穴我社大馬慊々
嘗若貧小狐綏々怖殺人鼓噬々天險奪大馬小狐
東走越神龍在泥求獲活龍已離淵飛不脫龍子五
龍孫六拉沓北征何處宿江水西流東逝波狐乎馬
乎奈汝何

拔劔臨風
灑爾而泣

京口鹿

南人有鹿北人張羅鹿自深藏羅當奈何狐行朔野

制于腥羶鹿生南土不願北遷

寓意深長
風人之遺

十八翁

豫章來朔風江水揚曾波神虎不在谷中道逢網羅
雖懷故山志已在天一隅羅人為我喜行人為我傷
所作無一成徒死猶彷徨彷徨問蒼穹長謝十八翁

神似
陳思

仙霞閣

北風吹閣馬滿野鐵頭按轡入閣下閣門蕩々無抱

者旬如兩甕破合集持作生沉：彙中豪多錢怯於
狗龍行蜿蜒狗行撲朔龍自入天狗下迎格：勿喜
夜潮隆：鼓復起莫言是狗雛今定成龍子

是南北朝歌
謠最佳者

寧夏五妾歌

龍從桂山瀰漈瀆水烟瘴之部為彼驅使解一燕趙壯

士勇俠輕非捐棄故鄉嘆怨多悲解二有美一人來自

雲間萬里相見流涕被顏解三顧問美人慷慨不止君

愛高爵妾入泥裏解四客行依主願得主疆主不念客

嫌、多防解五自君南來聞君兩心婦女狼籍苦不可

陳解六潛行求君不在苟治猛獸入檻胡不求脫解七明

明日月光炤下土雖則晦蝕還復其處解八河西寶融

棄莽依劉與國無極世為通侯解九君當自知胡不努

力中山小狼不可為德解十借君佩刀為君引決望君

功成來收我骨解十一一成敗之期豈不在天寧可玉碎

毋為瓦全解十二烈、寧夏令名不朽顧瞻鬚眉慚彼

妾婦解十三

何物女子使
足千秋耶

明月洞

龍荒塵何浩：本飲楊子水那食桂林草朔風蓬勃
山作地桂林守者坐待繫司馬渡河同就吏枯魚相
對泣不乞釜中瀝作書寄應龍南征慎出入勺者缸
碧者血腐肉烏可食安用埋吾骨埋骨猶自可題字
羞殺我石裂骨亦歸不化桂林土

中有瞿張二
公呼之或出

南溟霧

海波如屋鐵頭可逐海波如山鐵頭復還健兒尚臥

鐵頭已過不畏白銅蹄適逢南溟霧南溟若無霧大
魚那得去入江出澥鼉逢：不信大魚終作龍

隱語不必
索解人

潘子令樂府序

余與潘子生同邑物同志長同業又同隱也予長潘
 子二齡方己卯庚辰間余從家叔父南^村先生遊舍
 望澤王氏而潘子亦從其先尊人貞靖先生舍康莊
 吳氏相距二里許諸往來二氏者向潘子稱余亦向
 余稱潘子余於是始耳潘子距三年而余稍稍挾中
 書君與諸賢從事而潘子亦來予於是始目潘子當
 是時予已薄制舉業謂非吾曹用武地及與潘子談
 輒僕歐蘇見韓柳牙班揚兄左史特蒙莊而奪之席

席字不極本肯下筆
 初是相視而笑初下

和而香不辨其子五履面而本真而隱也予長潘
 願而期以隱平而見所又求蘇身而隱也予長潘
 言以因出而為學格之信樂後於不重言其隱也
 而潘子以世在而隱於上而潘子以隱而為學也
 予亦知而潘子之文而潘子亦曰夫文之隱也予長潘
 而潘子不為味而潘子之平而潘子亦曰夫文之隱也
 而潘子亦曰夫文之隱也予長潘而潘子亦曰夫文之
 而潘子亦曰夫文之隱也予長潘而潘子亦曰夫文之
 而潘子亦曰夫文之隱也予長潘而潘子亦曰夫文之
 而潘子亦曰夫文之隱也予長潘而潘子亦曰夫文之
 而潘子亦曰夫文之隱也予長潘而潘子亦曰夫文之

於是相視而笑莫逆於心自以潘子類我潘子亦以
余為類潘子即識余與潘子者謂無弗類也用是卒
與世相杓鑿無所概見又三年而陵谷變子竄西吳
與潘子不相聞者二年無何而余邁閩函潘子來言
已收涕問潘子云何潘子亦曰子云何予曰天其或
者厄予以百年而數倍報之乎潘子曰願子無忘此
言也因出所為歌詩大都悲愁怨怒不啻雷霆號而
風雨集也明年而家叔父東籬先生為逃之盟於溪
畔而潘子輒來予亦數過潘子與潘曰子益親歌詩

益多又五年而余遂舍鶯湖上鶯湖潘子故所家也
雖退耕悲溪別業顧時歸省其母夫人輒過余潘
子或四五日不至子輒命棹過潘子一日酒酣潘子
謂予曰息壤在彼而徒與子老四聲為唐後人耶余
矍然曰不敢忘也雖然何遽廢詩夫詩亡而後春秋
作則詩者盛周之史而春秋者衰周之詩也女不覩
姬姜不為不知色鼎不嘗熊掌不為不知味詩不續
四始不為不知咏歌史不做春秋不為不知紀述也
潘子曰善房中饒歌詩之變也而漢後無樂府紀傳

書表史之變也而司馬遷後無能方史記者明興三
百年間聖君賢輔王侯外戚忠臣義士名將循吏孝
子節婦儒林文苑之倫大官郊祀禮樂制度兵刑律
曆之屬粲然與三代比隆而學士大夫上不能為太
史公叙述論列勒成一書次不能為唐山夫人者流
被之聲韻鼓吹風雅今予兩人故在且幸未老不此
之任將以誰俟乎因相與定為目凡得能十八書十
二表十世家四十列傳二百為明史記而又相與疏
軼事及赫：耳目前足感概後人者各得數十事潘

子為題予為解予為題潘子為解損之又損以至於
百為今樂府而鏡歌騎吹雅頌不在焉己之冬成十
三年之春成十七三閱月而余百章悉成後三日潘
子亦悉成交相示有同有異有詳有略即兩人未知
以為孰善也者及以問同人則胥善之善之欲從而
梓之予兩人不應則釀質而授之雖欲不梓不可得
已潘子乃來言曰余兩人方為史而樂府先成遽以
問世懼世之以余兩人為筵撞而并觀也故非予不
能序子非子不能序予也且自樂府成後半歲而得

紀十書五表十世家三十列傳六十有奇蓋史事已
過半矣予與子用可謝息壤盟也至樂府之工拙則
知詩者能辨之余兩人意固不在是無相諛也潘子
言既別去適夜風雨憶始交潘子迄今十五年家國
之傾蕩親故之存沒踪跡之聚散歲月之遷流悲從
中來不可斷絕而子與潘子幸無恙且稍有所著
述予雖蹇產敢不執羈縻從潘子後哉因述所與潘
子往復之言而為之序其和余兩人者家叔父南村
先生王子寅旭也寅旭又助予兩人為史所作十表

皆出其手家叔父及寅旭尤思名今樂府成皆不肯
問世

同學弟吳炎撰

今樂府

吳江潘檉章力田著

同學吳炎赤溟評

古濠梁

天地開蕩羣陰日月出列宿陳白龍游困濠城翼以
飛龍蛇分朝為九夫長夕為戴室甥公子帳下多豪
英資之雲雨升重旻諸子不才徒紛紜遺息尚有惠
妃存生不稱王沒為神滌之水兮來如雲黃金為階
白玉門何以薦之春江蘋聖朝崇報垂千春嗚呼

聖朝崇報垂千春

予作世族十餘陽廢之故三致志焉然未若斯之感慨英多也

韓真女

嗚呼韓氏有好女問女年幾何十五頗有餘解我玳瑁簪掛我綳綺襦束帶揖親朋顧問此何如女伴相怪笑謂我何所須蜀寇方縱橫驅我逐南征南征亦不遠渡瀘向昆明轉戰點蒼山辛苦為他人千金買寶刀臥起如弟兄繫身亮不易豈慕健兒名道逢季父泪如絲鄉音漸改是耶非盡賣鞍馬贖兒歸丁寧

勿遣隊伍知到家爺娘冢累々上堂惆悵理蛾眉黃鵠單飛遨雲端宛頸七載嗚辛酸得配賢雄何所慚嗚呼韓氏有好男

比木蘭詩反覺今勝于古

雷老

天哀將軍忠不斬將軍祀門下誰報恩生死兩女子極知生難不如死辛苦為存肉一塊主公破賊幸雪耻太平城南鼓聲起昨日將軍灑血地獨抱真兒男子事江中何有蓮葉割而食之其且音雷老汝豈

漁丈人與我相逢蓋之濱手提將種還至尊賜衣忽
去誠何心世人不識稱神靈但願兒壯上報君妾當
下逝從九京

如此說雷
老最是

舊內曲

燕山平天下寧樂飲殿庭呼徐兄昔弟兄今君臣
僂拜起敢自矜絲竹音感皇情舊內何惜居舊人
君有賜臣萬死帝座威嚴何可止酒既旨賓既醉
臥榻何人竟鼾睡頭觸地不能起醉眼猶驚天子氣

臣心揣天顏喜
詔謂有司營甲第甲第崇表大
功去天尺五能相通君臣間無猜嫌終始相好不相
捐日與月長與一子孫世世同休戚

曲折通古中山
得此為開生面

危不如

九歌奏虞韶舞象跋下涕如雨徠自燕首獨頰此身
已遠事偽朝今日何顏奉真主老臣誰汝危素履聲
高天子怒危乎素手兩不如胸中穢史何區區平生
誤道天信國一死方愧余大夫

東角門

漢家內憂七國釁太常不進推恩令誰其將者字九
江白溝河南提書張 帝曰叔父無加誅謀人骨肉
何其踈投竄解兵那可得殺身易耳奈誤國獨不聞
晁氏危劉氏安九原之下猶慙顏一時奸臣千古忠
哀哉史筆何相蒙

雙梅怨

足令伯淵心服 吳東蘇曰當
與齊黃傳並讀乃見力田史識

雙梅樹下有方公墓
鬼何食瑩臺下不之食
不以吐

將以問祀者

傷正學者多矣此獨
意在言外淳蓄無限

中丞舌

中丞立朝一片鐵力請尚方誅妖孽蚤從吾言禍本
絕 聖人舉事多達節但恐後來滋假竊一死當為
千秋設周公成王面相折吾舌可斷書不滅請看堦
下光為蚺侍兒更寶領中血

牛化虎

潘子作練景列傳力辨探舌書字之
謠此猶未免傳疑亦詩家之體也

若有人兮層崖披羽衣兮褰帷傾耳但聞狂飈雷雨
一何冥迷童子告余前路鴟鷂遠樹爭啼平生豢龍
自喜倉卒騎虎何疑上書竊効徒薪文淺言深見譏
北平襟帶邊徼南昌股肱京師即使舉國內遷天心
成敗難期覽彼金川門事禍生肘腋尤危念為管仲
事讐事讐夫安可為嗟哉高生騁說遠慕仲連解圍
王氣自在燕分謀誠工何施已矣高皇養士神人
靈當鑒知之

伉直勁利極
似曹家樂府

血影石

侍中為忠臣妾真忠臣婦烏鳶為高飛河邊骨不朽
丈夫再拜方從容羅剎磯頭死何有妾心不移有如
石嘔血成形石中碧市人瞻仰誰當識霧鬢烟鬟東
向立湘娥斑斑臨水泣招魂奠昔何許何如昇石侍
中祠千古忠魂同一處

星犯座

客星犯太史占緋衣晨挾鷓鴣寒遠殿追帝夢之
長安門前驚行尸古人中七平大奇精靈九死猶不替

上為慧芒下為厲爪蔓誅竟何濟生不逢趙襄子

伯温兒

帝言卿是伯温兒朕是 高皇子汝父惟幄功卿何
苦如是環言殿下何為爾不記宮中爭局戲當機那
敢讓餘地蘆溝河驍騎死 帝座移良謀棄殺下能
殺我一身不能逃萬世後之一字臣是伯温兒不願
事 高皇子

吳南村曰古樂府無此篇法自力田
創為之覺問荅之外不能贅一語

金川門卒行

金川門主者誰衆心解事難為荷及士淚如縻傷失
守身苦卑新朝開舊臣入獨吞聲走荆棘擁儒冠脫
戎籍齊黃族同時赤願為死安可得彼何人兩見辟
城門在有如日幸莫汗吳市卒

自道
極當

故葛衣

神京覆臣可死，不死為智士君王行臣可生，不
生為忠臣雲門僧耶溪樵一朝師弟宮中逃龍不上
天蛇失穴一蛇去之中野號河西傭獨愁苦出亦復

羈旅入亦復羈旅金城邊寒葛縷：莊浪夜宿淚如
雨亦知孤裘美無度終道新衣不如故

我行自東

遜國事奇尤莫奇于從
亡諸賢此詩足以發之

日月不居大運有廢興衡山崖望與天并皇穹震
怒雷雨馮：惟念古人遜位巖耕歌以言之大運有
廢興一我行自東蟻龍在我東都城萬仞其門九重
園寢翼：惜佳蔥：我無六翮奮飛莫從歌以言之
噴龍在我東二我行至南楔榆在我南蝮蛇縣樹毒

霧漫：飛鳶墮水觸眼風酸自我托足日即于頑歌

以言之楔榆在我南三我行至北玄狐在我北儵忽

金沙令我回惑流澌載塗熊羆窟匿羊腸詰曲車頌

馬踏歌以言之玄狐在我北四我行至西虎豹在我

西隅目高睚搏人以嬉猿狖相索羣然我追翻然去

之羅網何施歌以言之虎豹在我西五

周閻昭曰惠宗出亡千古疑案讀潘子所
述本紀可稱信史此篇又上薄騷雅矣

和尚誤

和尚誤耶汝何故緇衣誦經又何故磨牙好殺人今

日捫頂：尚存嵩山寺長安市塵埃物色偶然爾時
來不得誇奇謀飛龍風雨歛然起鳴騶爭道少師來
徒步安知和尚是故人不願為之友阿姊不願為之
姊和尚誤耶和尚羞欲死歸作西山塔下灰無人更
澆一杯水

徐禎起曰誅姦諛于既死發潛
德之幽光如此方可言樂府

大寧怨

聖祖時大寧始入中國填以壯王控扼山北使我營
屯力作射獵為衣食奈何靖難之師棄我如遺跡契

丹三千騎自言藉兵力多用金繒可餌之何乃割地
以資賊奪我田疇驅我妻與孥今虜畜牧坐蕃息我
既陷沒東不到遼陽西不到上谷關門局窄往見侵
逼白雲紅螺皆異域煌煌犂庭威不能驅三衛聖
王重小信毋乃輕大計燕京不得伸右臂園陵所蔽
一牆耳何況書生善蹙國開平獨石隨之棄獨不聞
太宗雪恥禽頡利置酒西宮呼萬歲

周其疑曰大寧之棄英主之失也南交之
罷庸相之誤也讀二詩真令人扼腕撫膺

把滑歌

通側逼側河深水滑前人尚可後人殺我解生長兵

問有力如虎自矜天策同符聖父解黃屋警蹕骨肉

讒興豈敢覬覦恃兄至仁解嗣皇滅親上兵伐謀朝

為叔父夕為壘因解辭彼金牀蹋霜與露逍遙城中

曾不悔悟解五

直接漢魏無一纖靡之響

虎顧彪

君不見魏室危疑間射虜一言能自全又不見明廷

章奏填顧彪一語父子安使者馳以南駕車馳馬使

者勞我心太子馳以北駕車馳馬太子暮安息成不

成在聖孫立不立在監國

折柳枝

金吾大權輕相假浸淫騎虎竟不下歲夏五月上

較射折柳大譟無亂者前有御史後有司馬各欵

手為盲為啞臨色生休得色明天子無姑息諾

復爾盈廷仍拱嘿慎莫信庸臣庸臣工賣國我思

忠臣忠臣誠可思尚不畏天子寧畏紀指揮身死族

已滅當復倚阿誰

罷南文

有所思乃在銅柱之南叢爾雕題勞師再三因而郡
縣之郡縣之何不擇良有司為我拊綏但見刀筆吏
剝民日益肥明珠翠羽帳孔雀珊瑚枝朝入中宮橐
暮馳長安市若飛蠻夷非孝子不走險何為借問誰
大將一二紕袴子前軍遇伏奔後軍格鬪死當時政
府何不言叩頭但進珠厓計止戈未賜漢皇詔乞盟
先遺城下耻廟堂不棄將帥棄傳之國史誇盛事張
英公毛髮豎力請發兵坑豎子又恐功高謗易起吾

欲不言懷不能已已為哉中州無辜十萬士或作富
良江上鬼

顏雪暉先生曰
竟是一則史論

玉泉寺

張公子范太監倉琅根閉何晚老臣惶恐再拜迎君
何非時夜辱臣老臣數日魂不寧玉泉寺羅弓矢白
龍魚服遊豫且得而制猛虎離深山市人乘其敝彼
何臣哉數稱太平不是唐堯那可傲行願帝為堯不
為漢成白金文綺敬勞卿始知老臣是晏嬰

不說出蹇公得
詩人忠厚之旨

閣中帖

猗歟中涓制掃除職所司請問草昧初外政千者誰
因緣勸駕功珥貂夾轂馳是^時天下平君臣面疇咨時
刑餘雖竊弄太阿未下移一朝危疑際大權歸房闈
口銜天憲出安能免倒持區區閣中帖防微計良切
出納皆此曹徑竇何從開當時顧命臣唯阿稱明哲
不聞宰相微但聞太后詰在昔任守忠韓公自有說
兵加王振頸惜哉不早決

伐樹枝

天下忠誠李先生海內儀刑大司成憶昔建言出百
死淋瀝折脅墻前地何來閣豎騎如雲先生有耳如
不聞平居訓迪首廉耻此曹安得通款昵一朝荷較
太學門清議所激諸生奔先生教士得士力上書伏
闕豈顧身天子別勅賀會昌不是奉勅那肯行先
生歸諸生喜不見灶下養能活薛夫子嘿言官但
拜跪

味太學事開口便類太學謠見其才無
所不可結出薛夫子見朝廷有人

悲土木

夙駕兮晨興竊乘輿兮威靈排廷議兮親征百官號
泣兮且行六師籍籍兮寒心風獵獵兮摧前旌莽
荒兮縱橫黑雲如蓋兮壓營軍一夕兮數驚謂當旋
軫兮紫荆胡道迴兮路杳冥杳冥兮奈何後拒沒兮
寇浸多望懷來兮日將晡戀輜重兮以踟躕萬騎合
兮一呼我馬饑兮我卒痛并無泉兮草木枯瓦剝乘
敵兮欺我以和移師而奔兮天假強胡精騎蹂兮短
兵接鼓聲絕兮弧矢竭左行殪兮右隊滅無賢無愚

兮同為膏血首既隕兮心猶熱傷翠華兮永訣君
何為兮喘喚魂飛揚兮求索亂曰天命苟若此兮謀
國何為 陛下萬歲兮臣又何悲

董誥孫曰為得陰慘騷激却
以不徒作詩王振露布為高

國有君

土木狩國無君北人喜南人驚大同守國有君南人
喜北人驚無君而有君一言填紛紜迺知社稷重不
是君為輕纔聞清風店慟哭擁駕出又聞野狐嶺慟
哭攀車別 上皇已成一閒人留為可汗那可得互

刺悔禍非好名奉迎不費一束帛君看建炎祈請使
交馳燕山定何益鷓鴣之歌千古淚譙不或虜不至
此殺讓今日墮虜計吁嗟熱血洒何地

想見定變遠客臨
安真社稷臣也

妾無夫

黃鸝鳴且悲何必同林棲鴉鴉養且均何必是同生
妾身自有夫妻夫自有子悽悽一執手慙悽遂沒齒
空房夜辟纊聽兒讀父書中更何有忠孝先門問
兒為尚書即出入生輝光青絲絡馬頭盈盈還上堂

長跪白阿母復儲兒當言不惜死闕下但恐負母恩
阿母大拊掌兒能復何憂天風霧四塞知是兒羈囚
夫為忠臣父妾為忠臣母黃泉重相見各道不相負

是母是子寫
得聲淚俱有

龍惜珠

黃河世為患誰能得中策熙朝兼漕憂乃在咽喉
嗚呼張秋潰司農為蹶踏帝曰貞往哉慎思禹故
跡自濟踰河沁往投牲璧謂龍何不仁狂流久為
逆強弩射不迴何況填木石吾聞龍有欲領珠尤所

惜况鐵可制之中夜改窟宅藉手告成功至今師良
畫人能制毒龍不能制神龍神龍固無欲變化安可
窮哀哉金盞謫禍生南城封世人各有珠貪者隕其
宗

至言
可銘

奪門功

南城垣猶可越奉天門猶可奪諸人自為富貴計挽
輦推座何太急曹石功當封于謙功當死不見持節
取外藩但聞交章復太子閣門仗方齊殿上鐘先起

代皇言哥自好 英皇言弟無事西宮本以正終
何乃蒙之惡謚君看東安道上交讓時何如咸陽馬
前驚墮地

徵君歸

忠國公前有宋蔡京楊龜山後有吳徵君朝下詔書
夕受幣要為國家成盛事虛左不聞吐奇謀南陽一
言終優禮穀館餽百宰 聖王果重儒不肯拜宮僚
先求觀秘書秘書亦何有宮僚義不污不見天祿闕
失身莽大夫徵君歸何緩徵君來何急目奉一囊粟

月請一束帛始知此公非迂濶

真窮到底令傲
君何以解嘲

楊漆工

臣為君慰足君為臣拊背辛苦北庭一較尉不取喜
寧手反刃全吾第一身哀、肉在机楊漆工何敢爾
問汝誰主使當道南陽李漆工諾、幸緩死獄門不
言午門言大呼云是指揮指神明昭鑒安可欺小人
當死、不避門指揮錯較計不如漆工勇且智一言
併脫三人罪請看活袁彬去、金陵道越明年春門

自倒如何後來乾清獄坐令馮家危高老

引證
亦好

玉璣瓏

出宮門不顧歸還入府帳欲悲篋中無金鏡還視座
上無黼宸妾有玉璣瓏曾著君腰肢他人但願富貴
妾抱此玉長相思長相思上承九廟神靈下畏黃口
小兒聞有他人言拉雜摧沉之寧作井中泥勿為他
人生光儀寧作井中泥勿為他人人生光儀玉碎不復
全妾生亦何何為當時七年事東宮自知之君為王妾

為妃當時七年事萬世行知之

陳鶴客曰如見天寶宮人
訴上皇時事俯仰歎歎

裕陵思

鬱陵樹兮青，肅帷幕兮冷。旨酒清而不御歌吹
咽而無聲願殺身而從之兮重先皇之不近婦人

造意措詞每高人數等
此篇可謂深于愛君

伏闕爭

惟慈懿后母儀三十年中人曲說尊無兩全殿庭聚
訟睿容穆然明矣哉其漢文宋仁于今作式公卿抗

章不阿不激用成聖德兩宮如一孝矣哉其皇心有

違曰仁壽宮小大伏闕號泣以從會此羣志廓我慈

衷仁矣哉其

得體 沈雪樵曰似頌
似贊曲盡樂府之變

新會潮

潮聲一何悲中有含冤尸潮聲一何怒中有報仇婦

生不能殺仇身死猶能繞仇門魂來江潮青魂返江

潮平李翁李翁能埋我潛投南海魂無所飛揚上叩李翁

九閻訴磔狗報夫死不負表間樹石垂千古獨不見

錢塘江素車白馬大夫魂不能報吳聲猶吞

太監來

今日樂莫樂酣醉舞九衢蒼龍為拊席玄武為提壺
朱雀奏琴瑟白虎吹笙竽前呼天子來叫奴不一顧
後呼太監來帖然便安坐太監復何為堂前猛虎步
頭上垂金貂手中把黃斧自言仗兩鉞將兵助威武
吾欲竟此曲此曲意良苦陛下三十年臣為黎園
主臣欲言之太監怒

施又王曰此是
潘子滑稽傳

廷無人

掖廷中乃有人既生汪直何生懷恩廟堂上豈無人
雖有余青神尚有王三原三原天下真忠義朝政不
可胡不議語罷尚書讀封事中官嘆息一人是呂黃
門張承業此曹多自命豪傑精心能與明主結利器
緣之遂倒竊寧可措紳虛無人不可使汝輩：見奇

節

戴耘野曰讀宦者傳至懷恩王安事感嘆尤
深當聖祖時何以中官無一賢者耶此其故
故可思也此
篇真非苟作

昭德宮

三十六宮蛾眉 天子夜幸唐兒蒼龍加腹何奇燕
飛豈容啄矢皇 九廟監視主器莫若長子六載辛
勤調護女徒雖無胡組掖庭自有張賀天心或啓貴
妃朝服敬賀佳兒何獨不令我知不令汝知猶可朝
為烏鳥同樹夕為雲泥異路西宮惆悵自憐無子如
月經天有子如星墜淵經天月不寧圓墜淵何時復
還但願 皇子萬年譬若泰山嵯峨讒人動搖孔多
黃鵠一舉奈何

程杓石曰
可被管絃

望三台

宮中好珍玩大瑞爭市販紙糊一閣老自言臣姓萬
奉上 陛下藥一杵曲房後庭娛清晏道逢小黃門
晚 申情款不道老司禮却起無人嘆朝看相公門
冠蓋騫如雲暮看相公門羅雀自生塵相公何所說
老臣死報國迴顧腰下符已為他人奪五里一長望
十里一佇立相公不願三台明三台明則奸不行但
願南箕與卷舌翁 簸揚人主惑軒轅光掩太微庭

宦者密蹶帝座側三台不見天下亂相公此時當復
入不然胡為五里一長望十里一佇立

言似太盡似傷忠厚然巧言
卷伯諸詩正不嫌其盡也

老臣泣

五日對平臺十日對便殿中興
聖主急太平老臣
只恨相知晚一宣劉司馬再宣戴大夫左右卻避不
敢前語久始聞喚人扶白金重錦尚方饌承恩下階
日已晡戴大夫不敢言疾劉司馬為請骸骨不道家
人父子情即言主人豎留客何抵死欲辭去二客

相顧歸不得丈夫生逢知己主便當闕下死報國纔
聞騎箕尾又聞上鼎湖老臣有血灑欲枯夜深猶夢
陳訢謨太平未登可奈何主人留客逐者奴不然安
得東山草堂歌

朱載陽曰覺空同
草堂歌尚多時調

罪壽寧

李主事折檻爭要為朝廷安壽寧不知抵觸金夫人
聖明猶豫重加刑奈何使我殺諫臣勅令就位堯
舜仁中外歡喜呼更生君王不好游燕飲今何處

黃鸝歌吹蛺蝶舞後宮迤邐花間去獨召大張瞋目
數國家棄汝猶腐鼠近侍不得聞餘語遙見免冠觸
地一何苦于嗟乎承天道中 新君怒廷尉獄門命
如縷忽憶南宮淚如雨乃知主事猶生我

西涯倒

謂公如北斗輕雲掩其口謂公如泰山跛羊游其巔
西涯草屨 歌謠動京師昔送華容歸今餞雒陽去
身為顧命臣不退亦不語舉朝嬰禍同甘露猶言委
蛇善調護中書堂中但安坐湘江鷓鴣啼不住平生

讀書數萬卷到老只解孔光傳李廣祠額元不可胡
為獨頌玄真觀

節 推敲幾不餘
力妙在擒縱如意

梳篦謠

東家抱兒竄西家挈婦奔賊來猶可活兵來愁殺人
况聞府帖下大調土司兵此物貪且殘千里無居民
掠人持作羹拆屋持作薪莫言少為貴國威嘗見輕
無功害尚小有功憂更深問誰作俑者必也林中丞
蕭條夔子國城郭為荆榛賊如梳兵如篦獬豸來更

如鬻保寧賊未除霸州賊又熾買馬須快劔須利從
今作賊無反計

容兵之害言之深
切讀者可為寒心

豹房樂

帝何在豹房中金鼓聲日轄：外四家走如風扼檻
虎射園熊過錦隊樂無窮誰為北江團營歡未已離
深宮西安門從小豎居庸關却宰輔愴忘歸家宣府
大將軍揚威武犯霜露不言苦上高王敢跋扈遂南
巡繫以組帝歸來白幟舉臥豹房傳遺語天下事是

朕誤

顧茂倫曰
一結近厚

囊土諫

帝無南巡南方不可以行聞有九江之蛇礪齒睚眦
將食人又有短狐在君側儵忽射影天地昏竭來當
蹕者誰子自言世：宿衛臣右提三尺刀左挾一囊
土有血不教汚車輪明知吏議當就誅舉朝盡是彬
耶寧獄死諒不葬白日為晦冥苑中海水與山平石
梁斷絕鐵柱傾闕道無无駕不行累：伏闕尚有人

吁嗟言官胡不聞

思悲婦

思悲婦不用婦言獨自愁
苦山出黃雀亦有巢
雀欲為鴻不能高
巢傾墮水哀哉
勞黃石磯折
蒿檣洪都城咽
金鼓梟子四梟
母五躑躅悲號
安知處屬累王
先生幸念故妃
賢招其貞魂
歸收其白骨還

此亦可愧古人

留提督

天門開楊公來際昌時握樞機邊帥弄禁兵時事可

獻款有一狂生上書刺譏政府楊公得聞之涕下何
累行當不負良規思復念之舊君無冢嫡新君憂
反側十萬軍散一紙書填定是仗三寸舌玩弄股掌
間不費力士力坤寧宮朝服入北安門中旨出縛虎
皆何緩今日復何急瀕年亢旱雨忽澍滿城盡道相
公雨大禮一不諧斥之勿復語以報孝皇臣不負
天門開楊公去

墮括本傳便自奇絕

金水橋

璉不灰萼不灰夜乞歸衣數力士金水橋南爭仗義
不言繼統言繼嗣伏闕諍不可止諸臣自呼高

孝皇 聖心但念興獻帝撼門大哭者誰是元是
新都少師子諸臣狼籍杖下或不灰猶遣戍萬里大
禮說終當行明倫書徧加恩悔罪可憐有陸澄自言

曾師玉守仁

刻甚 大禮說未辨是非但迎合者不得無罪

田石平

語汝蠻莫反當避王總制總制來汝當死更活汝

天子賜但存土知府州不用漢法治足兵亦不調斗粟
亦不費羣奴搏顙願殺賊從今那敢生他計八寨誅
斷特角盧布伯休噉啗五溪淫伏波死遂使兩江
變復劇田石平復傾田水清復濁善後從古難何況
黎與莫新建封雖可削慎勿言田州錯

任事之難非審時勢者不能道

欽明獄

昔有代州豪名編太原衛幾處作逆身不死無人敢
道真姓氏養子兩三人出入郭侯第黃金刻刀頭青

絲纏馬尾暮馳塞下手殺人平明還醉長安市郭侯
何類之家從大禮起匿人不敢問者問馬御史侯言
但當費我尺一紙不道滿朝抗章諫不止郭侯猶自
可奈觸張與桂蜚語入禁中不復任廷尉午門對簿
脅諸公從此張寅不姓李欽明獄同文獄衣冠駢首
盡驅逐貴人羅織猶未足四十年後亂在蜀張耶李
耶奸始燭武安在者自當族國史尚削龐公蹟獨不
見漢張角

老吏斷獄
自無適情

採珠怨

合浦珠池深千尺六月入水寒徹骨何物老蚌胎夜
光令我年年採不息我非雪質冰軀那得百珠真珠
少監督責充私索縣官所得纔鎔銖其下嘗有驪龍
臥觸之身首分須史前人病死後人溺以命易珠何
所惜猶勝東隣因徭役兒女典盡無顏色五嶺家
起為賊獨向珠池亦得

與捕蛇者說同
意又似張籍

帝南巡

顯陵何美：大峪風以寒泉口徒嗽，安知帝所
觀疾驅馳兮從百官瞻純德兮龍之蟠繚以周墉神
孔安暢歌暢舞享祀虔玄宮不北慈宮南 皇圖既
因兮如山如川

濟獻皇

不稱宗何稱考既稱考當入廟受命不在登大寶祝
融之威天所告經始翻下壬戌詔豈憶 康陵十六
年今日升降何草：獨不言新鬼大故鬼小請看郭
武定何如劉誠意武定有慈孫獻皇有孝子予以配

食先錫類皇：武德及文始為 天子父方知貴但
欲追崇無極已胡為春秋譏逆祀

史遷作封禪書正為武帝本紀地耳而禱先
生用此補之可笑也潘子作却祀書直述大
禮齋祠之事而後 世宗本紀大政大議在
焉且以比武帝雄才大略亦略相當于竊以
為得史法 故識於此

孝童年十三

悽悽復悽悽 阿母閨中啼孝童入門來執手何依

蕭艾不共林泉鸞不同棲阿父重聲色新挾大梁姬
行當棄汝就黃泉不能低頭受榜筆孝童前致詞阿

母且勿悲腰下三尺刀拂拭生寒輝宛轉娥眉子墮
地須臾時出門四五里將去復來歸殺人義當死莫
令阿母坐見疑呼吏脫母縛母不殺人兒所為牖下
三尺刀上有血光腥持此請廷尉廷尉躊躇不忍刑
持此上司寇司寇減等謫戍論端門喔々金鷄鳴乃
知天子明且仁憐兒為母非博名借問兒安居門
戶接天衢十三學劍兼學書悲歌慷慨燕市徒却笑
秦武陽十三隨荆軻睡此不中孝童奴孝童烈々五
尺軀何不為天子取單于

徐介白曰與赤漢作同一叙事同一擬古便
覺各出于眼各有天地此二子所以為可傳
無疑也

建昌侯

建昌侯作事誤昔為虎今為單新人嘗苦貧舊人嘗
苦富玉田泰和高門戶君恩反覆何可數昌國端
揣猶連坐昭聖在時不得語昭聖沒後葬無所家資
千百萬身死子孫餓寄聲後來者但視戎政府

府故張氏第
也可為烟成

兩搜套

受降城跨三面東勝州控兩面榆林堡當一面牧馬
漸南下坐失門庭險守之不足何有戰二千里地水
草甘匈奴因之劫諸番渾脫飛渡寧夏單不備山北
備河南屯田築堡無長策侯騎直過偏頭關搜套何
紛々後有曾中丞前有王威寧小試紅鹽池封侯竟
成名大出定邊營未捷身首分權臣在內寧不聞乃
知少師力不如中貴人

套事得此
功罪自明

權門犬

郭中有犬嗷々郭外有犬嗷々郭中有犬能噬人郭
外有犬不噬緞麒麟觸之嗟復嗟朝叩帝閣入夕
辭相府出水衡無輓車司馬無導卒携持白金往復
還但可單騎宣手勅々中督戰非爾職安能驅人共
殺賊路出德勝門白骨何疊々臣言不效臣罪當治
聖恩高厚泣下沾衣荔波之行不顧歸謂之何

堪愧不堪竟讀程杓石
曰寫趙內江心事逼真

淳安奴

淳安徐氏奴行年五十餘籌策雖壯筋骨枯願謂阿

母勿嗟吁母乃謂我牛馬力不如我猶能逐利東西
效馳驅母脫頭上釵令奴轉販如賈胡往時食無魚
今來出有車為兩郎君起大宅夥何沈沈臨九衢其
中參差羅金珠阿寄乃無一粒儲道逢徐氏郎下馬
盈之趨一朝老且死手出兩紙書中家計析錙銖
可憐一兒身無襦嗚呼今之人口詩書大冠長劍名
為儒委質事人輒改圖何況莞六尺孤比曹牛馬
羞為徒獨不見淳安奴

快痛

椒山膽

椒山膽大于身不畏丞相父子嗔使公為虎丞相為
鼠齷齪義兒膽裂不得語藏公膽血化碧地下猶報
應生德到公膽甘如飴求死不得有賢妻詔問二
王兮臣罪當誅臣不能令親他人能令親疎臣頸
可斷膽不磨

兩歌妓

東流之水必有西上之潮但為薩摩王使我督府日
焦勞嵯峨樓艦千丈高首吳尾越倏忽隨風飄當復

思中國之倭必有女子之戎不用快馬健兒但用黛
綠粉紅傾城笑未已股掌弄兩雄稽顙天星呼胡公
珠玉餌真竒謀殺已降安得侯狡兔盡走狗囚兩首
縛兩妓愁為國事死何求江水竭恨不休

桃案寨

受降新平堡自言居竒貨數騎憑城索張目不得語
一解萬馬縮如蜩漢兒但藏頭傳語相驚恐奔命無時
二解遣之弭邊患留之抱空質空質既已去邊患亦
三解但求紓右衛不顧輕中國大明炤九垓胡婦

回面泣四解身辭白登道血濺黃河側持此帽諸部勿

背黃台吉五解寄謝漢太師叛人那得來縱牧威平間

羽書終歲馳六解犬馬歸主人願得主人強誰能識此

恨惟有李贄皇七解

以古調傳今事
真筆端化工

前搗巢

軍中有一劉俺答聞之心膽愁軍中有一漢吉能聞
之驚破膽暮馳黑河畔朝襲東勝川驕驄文馬鐵鍛
鞍手中大刀奮如端或如霹靂拓弓弦左射右射蹀

血前名王貴人馬頭縣肥牛大犂當朝餐豐州廬帳
為寒烟還聞慟哭從陰山劉將軍何颺忽攫虎子據
虎穴從此漢免戰不怯輕騎夜斫瓊幕惜哉生不
逢驃騎大軍出提攜玉龍掃月窟

施又王曰鏡
歌少此雄激

齊宮

卿雲顯見回緯若一瑞禾靈芝元氣所植帝在齊
宮潔誠裡祀休嘉碑隱曰惟玄庇光芒夜燭拜受神
丹桃實如瓜服之永年專精鍊氣讀仙經黃金可成

天下寧猴狄來服解島平侍臣簪筆撰青文斟酌零
露甘且馨白雁白鹿走紛負寂謬冥感若有馮誰為
僂者陶仲文寵異不數藥將軍柏梁既災建章營修
玄之功誰與倫但願 皇帝三千春

可入郊
祀歌

射東樓

高山不摧自崩東樓不扶自倒平田有米覆以草繡
衣夢占小兒兆宮中有物能神語曷不除奸待明主
莫言多錢可闇使一朝猛虎化為鼠燎原火不可當

倒海水一何狂誰謂阿儂智不如公子引去西市傍
然臍自昔咲鄙鳩八百胡椒無用處鈴山堂中老書
生勢利何如枝上露獨不記歐陽語

縛板升

雲中帥降那吉降那吉致俺答撫之不殺真良策襲
我冠裳戴我德何物叛兒教汝稱兵還我叛兒當歸
汝孫汝孫未歸縛板升傳頭橐街揚威靈從今保塞
稱外臣貢市以以國體尊國體尊外患弭但當飭我
介冑張我弓矢積我錢穀修我營壘安不忘危古人

所貴奈何守邊者苟且幸無事歲割軍實奉驕子無
人更為百世計嗚呼餌敵還自餌禍福倚伏皆如此

此古人所以思頗牧也顧
茂倫曰此詩具見經濟之才

啼鵲血

老臣報國誠專忠孝無兩全諸公莫學羅倫我自學
李賢古來金革行權吉典亦宜然山人不識宮袍驚
道啼鵲痕嗟哉吳生一言膏以明自煎卞生有淚斑
斑名與日月懸

惠山婦

賢哉惠山婦見夫不見虎揮鋤奪之何不可馴虎如
馴狸搖尾竟捨去負夫歸來且安坐斗酒嗚嗚相勞
苦君不見劉家婦能殺虎夫不再生亦何補惠山清
流激千古東海勇婦又焉數精誠開金石猛獸不敢
侮猛獸猶自可苛政能殺汝

後搗巢

赤羽從東來云是將軍書書中竟何如上言堅壁功
失亡亦不多下言搗巢功觸髅血模糊自囊從東來

賊

云是御史奏奏中更何有上言敵來寇官軍坐束手
下言敵去後但竊漢兒首行間功罪辨者誰但見城
郭是人民非舊時屯田草纍纍父求死子夫求死妻
不知將軍收遺尸收遺尸何狼籍小賜金幣大封伯
御史扼腕爭不得從今以後但帶人頭去殺頭陣亡
健兒何足惜報功闕下死塞北猶勝空作板城城下
骨吁嗟乎舉朝蒙蔽亡遼東國史猶頌將軍功

封關白

自評 予作李寧遠傳功罪頗不相掩
此題若出邊人之口恐尚有不忍言者

天上有火星地下有石星除石星斷禍根

用童謠語古甚闕

白雖可封不聞彼國自有歲君王子雖可出不聞彼國為我外臣小西飛騎馬過關門但坐謾語許和親和親不忍聞冊命終不停島中老叟失禮義箕踞敢對使者嗔糜餉八十億用兵十萬人開城平壤乃僅存石星死東事成闕白死東方平

商無礦

顯皇帝時商城令樊君少慕海忠介為人初下車嘿不聞聲發奸摘伏咸稱神明

一開礦使者來闕如覲

虎有司折腰迎蒲伏供具樊君當之嶽嶽不為下

二解

他邑有礦商城獨無鳴騶升堂先以肩輿使者色沮

亦莫我敢訶

三解

謂君好手不污金錢謂君良自苦百

姓復可憐億萬之命賴君一言

四解

北上銀臺嶺艱哉

何巍巍緣崖捫葛登日暮空歸來山不效靈亦已焉

哉

五解

賢哉我思樊君令死者復生稍遷崑山令治行

遠聞郡國計吏莫如我樊君循

六解

璽書未及下翻然

長辭歸視親疾以身殉之天道無知使樊君無兒

七解

二縣之人家無相春何呂祠之學宮之中千秋萬歲

俎豆無窮解八

比雁門太守行
更覺古色陸離

銅柱高

銅柱高高於萬仞山夜即及且蘭關國三千歲不與
中州通人烟西北連雲皆鳥道可以橫絕黔楚滇玉
壘山崩豺虎死然後封疆繡錯其間上有海龍挿天
之險固下有婁山棧石之重關飛鳥騰猿尚不能踰
健兒欲上愁攀緣水丹何潺潺十里九曲行巉岩仰
攻肉薄一當百窮崖四顧但長嘆問汝作計何逆天

去

不早面縛死軍前但見長圍四面合夜分營火高連
連又見黃金散盡羣苗真不還銅柱高高於萬仞山
使人念之駭心魂摩崖勒銘空中起箐林茂密無人
開其險也若此嗟我神兵自天而下胡為乎來哉銅
關鐵塞尤嵯峨一夫大呼千人不能過所守或非道
何異街與衢朝見蝮蛇夕見鴟梟狂顧動齒負險以
驕天塹雖云固不如事皇朝銅柱高高於萬仞山

太似模倣然才情游
戲自出青蓮之右

大哉言

郡守得詔如霹靂宰相得詔但掛壁掛壁尚可反汗
奈何容雲自天雨不滂沱君不見田太監猶力爭大
哉王言其出如綸惠我毘陵維歐陽君

類謠辭又類
易林奇絕

哥莫恐

駕幸啟祥宮傳呼哥兒前一言當言未及得言不知
泣下一何漣漣哥但莫恐罪不汝連汝知我慈我知
汝孝無聽謔人翩翩令我父子兄弟不得全亂曰晝
不見日出夜不見月與星閉門塞牖舍大獄將興哥

兒出語人勿復重紛紜探懷中勅持授閣下淚不可
禁身在危疑中胡為羅織我侍臣有一妾男子撞我
宮入我門楮之杖下勿傷我 聖皇心彷徨空殿中
聊復爾耳撥棄勿復陳

調稍泥古命意自高 慈孝苦心
聖仁作用特未許要典假借耳

哀楚宗

哀楚宗何睢盱寧就漢陽死不還武昌居宮中大馬
化作驢鳳凰却抱兩烏雛獨不聞今漢陰昔春申龍
蛇到死不分明漢廷誰能識假真

楚事難言如
此猶為得體

大小東

大東何偏仄小東何鬼域人皆集于苑謂我集于枯
羽翼雖成畏彼網羅或山而樵或水而漁同我者賢
乎異我者愚乎歸乎歸乎其吾黨之徒乎

標榜之習氣運
使然賢者不免

鴉鵲關

鴉鵲關乃在鴨綠之西寬奠之東縣官令我輸租稅
耕田築舍其中天蒼蒼野茫茫禾黍未穫笳鼓整整

披我鉅鉞張我弓守我妻孥不敢自言功我初來時
髮未燥及今養子成老翁窮冬肅殺草木方枯忽逢
官軍來驅我老幼踏踏行渡河流漸浮漂骸骨載塗
新鬼煩冤舊鬼啼呼可憐丁男沒不還已聞窮苦乞
為奴昨日雞犬邑今日狐兔區橫術何廣廣拱手棄
膏腴將軍論功果有無位通侯爵公孤偏裨不敢議
議者尸街衢雅鵲關三百里割地之賞猶莫比開鐵
潰遼瀋棄何為反坐諸臣罪

可謂談
言微中

三娘子

萬國來遠如期矯矯者虎臣不如一闕氏皮幣陳佳
哉紛閼氏自歸靜如齋心漢降長公主不能堅和親
翩翩燕遠集豈非後宮身鴻鴈塞北生願向塞南飛
非為塞北寒隨陽志不移萬國來遠如期

馬上檄

兄何在桑乾河弟何在醫無閼妻子何在供轉輸宣
大請買馬耳涼請具車車未具師已出遼陽數萬人
相公一行墨河水咽咽野火熒熒梟騎轉戰沒駑馬

彷徨鳴朝鮮一旅猶浪死何但在殺
不再得五星鬪日光赤寧遠有兒只

竈下養

結語可當
李氏爰書

紅鉛獄

忠言利在逆良藥利在苦服餌求長生翻為醫所誤
爾非王子喬紅丸胡自詡但聞賞柳泌不聞貶道古
一月堯舜德龍髯忽中墮宗伯討賊義凜如握蕭斧
禁門有白梃曲房有美女旁人莫浪語忌器難投鼠

忽作平調亦
自深中事情

移職鸞

慈寧宮移妃子熾鸞宮移選侍
先朝顧命猶在耳
小臣有官非鄭李安危所發猶喘矢不問中書問給
事掖門叫呼羣登鸞
帝言彼髯真忠臣忠臣安可
為一言竟殺身安社稷計獨苦安選侍是誰誤選侍
自有女天子自有母不見小南城哽咽傳
天語
客夫人
生男且勿喜生女且勿憐君看客夫人眠坐官家前

一其虔心許阿父願得成公姥新歡從門來舊歡從閣

去二其一夕就歡宿通夜刺促語如聞外廷論不得儂

與汝三其彈去仗下馬打殺鸚鵡鳥願得寒蟬不復鳴

鳴亦無人曉四其雜香夾道來寶馬如游龍借問貴人

誰云是咸安宮五其五日出外舍拜聽羅道周大兒呼

作虎小兒呼作彪六其阿兒前祝母九千歲官家散金

錢中宮那得比七其有何涎涎尾飛來啄
皇子語汝

燕莫啄行當自啄矢八其儂家大道北歡家大道南門

戶自相當生死莫相捐九其懊惱奈何許宛轉梓宮前

始憶阿婆語

其

組織客魏逸事織悉無遺却不
鄒瑣深有讀曲子夜之餘風

驅馬問陽道行

公無渡河公欲渡河蕩平遼陽今當奈何渡河尚可
入關大難嗜嗜之口安望生還

熊王寃歎
得此吐氣

寧遠提

鐵頭子雖多如我遼人何遼人不愛身與家阿父死
三公河阿兄死廣寧獨自雖存猶羈旅要為國家守

危城城下火酣酣遙知可汗營城上砲重重自名大
將軍大將軍一何神動如雷散如星一發牛車裂再
發聯騎崩但見骨都當戶血肉為黃塵十里之內無
留行阿堅帶箭走且驚起兵三十年不知遼人難與
爭袁副使如父兄已破賊不言功大將軍首當封胡
為者親上公父上公子列侯幕府行賞及蒼頭行間
健兒空碌碌獵犬何曾分齧肉

可嘆

五人墓

北司回天獨坐南牙勢成水火緹騎四出如虎鈎黨
一何紛紛片紙輒逮數人吳有廉吏周君騎迺責之
千金千金有家之產傾城釀資相勸彼何勉勉未厭
五人一呼雷奔叩頭請命中丞中丞有耳不聞緹騎
銀鐺忽怒若曹違詔猶可不畏東廠族汝平生遨遊
燕市阿誰敢觸魏字不謂吳儂乃爾周君徬徨獨苦
父兄誠非愛我束身願歸園土東廠聞之心危閉門
切責崔兒何減博浪一椎五人請死不辭下從專諸
要離虎丘之旁纍纍元是東廠廢祠

罷觀軍

唐有魚軍容九節度使皆無功宋有童太師十六州
地竟難為內弄文墨外弄兵白日一照皆潛形 帝
曰聞外不中制懦將聞之心胆碎分兵纔罷盡視出
宰相何人真無識

歸過宰相
自不能免

東江怨

遼南垂麗北際中央不合大如礪惟有東江可牽制
何一短若公自言五年能蕩平奇功先殺毛將軍毛

將軍歎可成散島軍奪島餉島軍不肯歸殺掠渤海
上驅我爪牙為仇讐彎弓內向我奔命不得休遼
無東顧憂麗無北顧慮兩國醴酒喜相賀潰墻直薄
都城下始知謀國真大誤毛公死世所寬袁公死人
不憐山中宰相何多智一言竟能殺兩賢

直筆
可畏

悲賈庄

薊門警急入衛蘆溝斷趙堡潰誰養寇主者罪盧拊
命嚼齒碎君已辱臣當死悲賈莊非錦城兩人死一

人生卹典加偽耶真十年後論自明悲賈庄昭日星

隱語
可思

走夷陵

誰驅兵作賊關內徵調急誰驅民作賊新餉多括寇
中樞果何人歛撫總誤國誤國已當誅反求仗劍出
仗劍出天子喜都門餞宸章賜坐前席非嘗禮上
自天下至地卿專之不中制車千乘騎萬匹旌旗陳
光輝日瑤瑤山戰方疾白虎關險處失賊既遁兵亦
檄賊重來空馳檄釋蜀寇圖左革鞞之長竟何及避

襄陽走夷陵江之廣勞我心襄陽燔雒陽驚哀鹽梅
非干城獨不見一死猶令人主諱生時誰敢誦功罪

二語
深

德政殿

皇極殿先生坐 聖王自重賢師傳德政殿先生留
小臣一言大臣羞既舉廢又蠲祖寵賂雖章奈若何
君擇相猶擇醫庸醫不去病難為武林謫死亦足臣
言不中國之福言既中國何賴軍中裴度名竟敗行
人去渺未還不及小璫進一言小璫言大臣誅生憐

死捐竟何如

篇中多用熊公奏疏語當
取溫周傳並讀之吳評

沮南遷

乙巳南遷議徐公不用子公用不然臨安遂為宋甲
申南遷議言者李公沮者光不然靈武猶為唐世事
成敗那可齊前人之戒後人師 天王自為社稷死
撫軍何不奉太子國有千官無一士當年嬰杵竟誰
是

識議
獨絕吳評

有龍矯矯兮去而上升一蛇從之兮哀彼寺人毀棄
冕服兮高皇有靈寧毒余體兮勿傷下民有君無
臣兮為死為生嗚呼臣罪當誅兮辱我德音

琴操之變凡為臣子者
讀之能不痛心吳評

劉復興

燕山飛來大嘴烏彰義門闕啄復呼直排蘭省入掖
庭中書五人四人生其餘赴死亦多有遲疑便入黃
中手何人蒙面政府堂滿口頌德皆庶常歸來置酒

神揚揚何一男子上我牀拔刀斫案叫復狂傲岸一
舉累百觴坐客遷延不須避自言大明土工是親曾
給役深宮裏德政殿前長引視御榻不施雕漆侈衣
經浣濯席垢敝是時日晡花影徙大官進膳四五器
督役太府猶傳言批答方勤不遑餐况聞蔬食憂民
艱某出語人泣復歎諸卿平昔侍從臣有君如此寧
不聞恐復反顏事他人請以佩劍早引決勿待收京
污斧鉞坐客聞之皆嘿嘿男子揮手徑趨出咄哉鷄
鳴不附翼但存姓名有人識

結甚妙 緣情比事惟張文昌王仲初
稍彷彿白傅而下罕能措手

蕪城嘆

可憐瓜步山接新城南望不忘君其一武騎千群來限
長江願作張睢陽其二韎韐白面誰史家子生死奉公
祀其三城上烏莫夜啼聽我廣陵歌四

赭山

阮與馬共天下徧地職方司漫天都督府金輿玉輦
不知處黃旗紫蓋渡江去赭山高分無極烈火燒空
分焦石燭龍無光不照地猩猩怒嗥向人立我縱言

之復何益主失勢兮恩為仇客操柄兮羊化彪帝堯
當之亦幽囚赭山高兮不可攀美人一去兮不復還
上無結綺之層樓下無景陽之深井外無闔閭兮內
無妃嬪荃獨巡狩兮得其正不學宋徽欽何問晉懷
愍是以其謚為聖

忠愛之心溢於言外離
騷九辨而後復見此章

京口鹿

京口鹿十十五五乃在學宮中暗汝幽州兒身騎白
馬高纏鬃左手把雕胡徑來射鹿西復東暗汝神鹿

相呼入林去雖有網羅殺天將安施十十五五啣草
鳴麕幽州兒去時不知神鹿鹿乃在學宮朝出暮歸
誰能逢鍾山鹿乃在陵樹中厨人尚復復得烹醢之
海昌鶴鶴乃在園圃中獵者尚復得係累之鯉魚乃
在西苑海水中漁人尚得鯉魚脯嗜汝賢智士各各
有出處明哲保身復何所苦

顧樵水曰體物之才
保身之智於此見之

十八翁

孔雀東南來十里一哀鳴中林橫被鷲鳥攫羽毛摧

折無儀形績溪山千萬重閩海使不一通賦詩草檄
何匆匆忠魂但憶十八翁十八翁從此辭千年化鶴
猶來歸明知黃冠那容得紫市吾師文信國遺書恨
恨不極

仙霞關

南望一何嵯峨仙霞關一夫守險莫過仙霞關同姓
忽尋干戈仙霞關一解莫倚勢若建瓴仙霞關但問守
是何人仙霞關羊腸化為砥平仙霞關哀哉大命以

傾仙霞關二解

用古之妙能使境與事皆奔赴之比筆力所至

寧夏王妾歌

翩翩華亭鶴樓止越王臺開君有兩心故使開君懷
解一昨日居籠中今日摩蒼天念彼籠中侶失路成棄
捐瓶墜百尺井何當復來還二城南亦有虎城北亦
有虎兩虎相與居無親為誰怒三狡兔阿誰邊走狗
復可憐妾非愛富貴願得死君前四拔劍斬仇頭著
我漢家衣男兒欲作健安用低頭為丹山有威鳳振
羽來何遲寄語泉下人令名千載期五

明月洞

桂林高不可折灘水深難以涉美人佩我通侯章何
以報之死封疆側身南望蒼梧雲路遠莫致涕泠淫
張生同死，不孤自云相國門第殊悔來責，誇忠
誠勿謂南朝真無人志臣身雖可殺忠臣名那可沒
墓前題字魂不識霹靂一聲天地裂遺骸已北還臣
心終南懸恨不逢漢家都尉擒左賢五嶺一綫開青
天

南溟霧

南溟霧掃不開錢塘潮期不來魚佛鬱泣橫水龍之
去雲為旆潮重來霧已掃拂扶桑日杲杲

全樂府畢

終

題 潘力田吳赤溟今樂府

錢遜無敵近百年西涯百一亦蒼然為

維家及變誰續東溟看山見如質

因也張西廬公即士雋作